

5.
TRACTATVS
DE IMMVNITATE
ECCLESIASTICA

ET
DE POTESTATE
ROMANI PONTIFICIS

ALEXANDRI PESANTII ROMANI
PHILOSOPHIÆ, SACRÆ THEOLOGIÆ,
Et vtriusque Iuris Doctoris, Comititis, & Equitis.

AD SANCTISS. D. N.
PAVLVM QVINTVM
PONTIFICEM OPT. MAX.

Et ad Illustrissimum, & Reuerendissimum
D. SCIPIONEM BVRGHESIVM
S.R.E. CARDINALEM EIVS NEPOTEM.



ROMÆ, Ex Typographia Gulielmi Facciotti. M. DC. VI.
SVPERIORVM PERMISSV.



1410308

THE NATIONAL
INSTITUTE OF
STATISTICS

REPORT OF THE
COMMISSIONER OF
THE BUREAU OF
STATISTICS
FOR THE YEAR
1904
CONTAINING
THE RESULTS OF THE
CENSUS OF
1900



WASHINGTON, D. C.
1905

SANCTISS. D. N.
PAVLO QVINTO
PONT. OPT. MAX.

Ac Illustrissimo, & Reuerendissimo
D. SCIPIONI BVRGHESIO
S. R. E. CARDINALI AMPLISSIMO
SIVS NEPOTI.

Alexander Pefantius F.



*Prodit iterum in lucem (Pater
Beatissime, Scipio Princeps
Illustrissime) Tractatus ille
de Ecclesiastica immunitate,
deque Romani Pontificis au-
toritate, quem superioribus
mensibus, una cum Commentarijs, & Disputa-
tionibus meis in uniuersam Doctoris Angelici
Theologiam, primum typis consignatum, Augu-
stissimo nomini vestro consecraui. Hoc autem,
ut iterum aggrederer, & Ecclesiastica libertatis
amor, & existimationis mea ratio suo sibi iure de-
poscere videbantur. Cum enim anni huius exor-
dio Veneijs publicis prae litteris Cōmentaria hac*

A 2 ma

⁴
mea divulgassent, nescio quo infortunio, Tractatus
hic tamquam spurcius è reliquo corpore, per summū
scelus extremis hisce temporibus excerptus, & qua-
si ad huius lucis radios cacutiens. Venetijs in tene-
bris delitescat; quiq. prius publica attestatione,
diplomateq. Senatorum manibus kalend. Aprilis
1604. roborato placebat adeo, paulò post ad Ve-
netos scopulos allisum, tam indignum fecerit nau-
fragium. Quem ut colligerem, pro viribusq. resi-
cerem, consulendum existimaui iterata hac editio-
ne, quantum in me foret, & Ecclesiastica immu-
nitati, & existimationi meae, ut & illa quàm late
pateat ab omnibus dignoscatur, & huic alienae la-
bes minimè aspergantur, futurum ratus, ut quo-
rum ad manus mutilatus ille pervenerit, noua edi-
tionis beneficio medicina non desit, qui verò pere-
grino, & imminuto aditum obstruxerunt, natio il-
lum decori, & ornamenti restitutum suscipiant,
& amplexentur.

Hoc igitur ita constituto, reliquum consilium
fuit expeditus, cuius potissimum patrocínio et no-
mine insignitus perveniret in Doctorum manus.
A vobis (Paule Beatissime; & Burghesi Cardi-
nalis Amplissime) non fuit diutius aberrandum.
Quis enim non videt equum fuisse, ut Ecclesia-
stica immunitatis patrocínium summo sacrorum

Anti-

Antifilii, religionis vindici, & sanctitatis dicarentur, qui quasi Atlas cælum hoc militantis Ecclesie inuictis humeris fulcis, atque sustentas. Tibi verò Burghesi Nepos Illustrissime pari ratione debetur, qui ut quasi novus Alcides Auunculo Atlanti ingenti cælorum pondere interdum defagatito, humeros illi supponis tuos, ita par fuerat, ut cui mutua Ecclesia regiminis cura impendet, illi pariter Ecclesiastica immunitatis patrocinium commendaretur. Accipite ergo hilari, serenoq. vultu, quo humilia quaque extollere consueuistis, alterum hoc deuotionis meae monumētum, vel quia vobis iure debitum, vel quia vobis ab addictissimo, in vestraq. clientela posito cōsecratur, obsequesit mea erga vestrum augustissimum nomen obseruantia sempiterna.



TRA-

TRACTATVS

DE IMMVNITATE
ECCLESIASTICA
ET DE POTESTATE
ROMANI PONTIFICIS.

ALEXANDRI PESANTII ROMANI

Philosophiæ, sacre Theologiæ, & vtriusque lu-
ris Doctoris, Comitiss, & Equitis.



DISPVATIO PRIMA.

*Quo iuris omnes Ecclesiastici sint soluti le-
gibus ciuilibus Principum
secularium.*



PRIMO supponendum est hic, Cleri-
cos, & omnes Ecclesiasticos non sub-
iacere ciuilibus Principum constitu-
tionibus, & decretis.

Secundo supponendum est, qua-
stionem esse, sint ne Clerici immunes
a ciuilibus Principum constitutioni-
bus iure diuino, an naturali, vel po-
tius humana lege, & si hac, ciuili ne, an vero pontificia, vel
canonica.

Dux in hac re sunt Doctorum sententiæ.

1 Sen-

1. Sententia est
Med. Sol. Pa-
latij. Victoria,
Bannes, Ledes-
ma, Comar Pe-
rr. Ferr. Ale.

1 Sententia est Medinæ quæst. 15. de rebus restituendis, Soti in 4. dist. 25. quæst. 2. art. 2. concl. 3. 4. & 5. Palatij in 4. dist. 25. & 3. conclus. 3. Victor. rele&. 1. de potest. Eccl. quæst. 6. prop. 2. Bann. 2. 2. quæst. 67. art. 1. Ledesma in 4. par. 2. quæst. 20. art. 4. versic. hæsitabis, conclus. 2. & 3. Co-uarr. in practicis quæst. cap. 31. num. 2. versic. 1. concl. Petr. Ferrar. in practicis de confess. S. plenum. Alciat. in cap. cum ab homine de iud. Hi omnes negant in ijs, quæ pertinent ad civilem gubernationem, Clericos immunes esse iure diuino a potestate Principum laicorum: exemptos tamen esse iure civili, atque canonicò, qui hanc sententiam tenent multis eam argumentis probare nituntur.

Argumenta
pro prima sen-
tentia ex Scri-
ptura.

Primo ex verbis Pauli ad Roman. 13. vbi habetur, quod in ipsis ecclesiæ nascentis exordijs, sacris initiati Principum subiacebant imperio: deinde Actorum 8. cap. 25. inquit: *Ad Cesaris tribunal sto, à quo me oportet iudicari*: quod intulit, quia persuadebant ei, ne Præsidis iudicio staret: præterea 1. Petri 2. ait: *Omnibus parere debere principibus etiam discipulis*. Insuper Matth. 22. ex persona Christi dicitur: *Reddite quæ sunt Cesaris Cesari, & quæ sunt Dei Deo*.

Adhuc nullum diuinum præceptum in sacris litteris Clericos a potestate sæcularium excusat: ergo. Adde, quod lex Christiana omnes Christi seruos quacunque civili obligatione, hoc est seruitute, coniugio, pecuniæ debito, obedientiaq. obligat, & obstringit, quare ergo Dominus Clericos a civilium principum potestate liberabit? Amplius, quid obstat Clericos diuinis muneribus famulantes, non posse laicorum Principum statutis obtemperare? Quid, quando clerici cum laicis conuentiones faciunt, vel bona, & agros, seu aliud quidpiam emunt, vendunt, pignori dant, accommodant, mutuunt, depositant, aut inter se permutant? nonne in iudicium adduci debent, & cogi a laicis magistratibus, vt seruent conuenta, pecunias soluant, exigant, pignora reddant, accommodata, mutuata, depositique nomi-

ne

ne consignata restituantur vel quid faciendum, si clericus furti, homicidij, lætæ maiestatis, patricidij, veneficii, aut prodicionis patriæ conuictus sit & num clericali habitu iustam supplicij animaduersionem effugiet?

Tandem inquit, si iure diuino clerici laicorum ordinationibus, arque legibus, non subderentur, non posset Papa clericali exemptioni, & libertati aliquid addere, vel diminuire, cuius tamen oppositum sæpius videmus. Item nec posset clericorum controuersias laico iudici delegare, nec eorum sententijs standum esset, licet Glo. in cap. valde dist. 49. declaret Romanos Pontifices id facere posse.

2 Sententia est Canonistarum, & multorum Theologorum, qui dicunt clericos, & omnes ecclesiasticos iure diuino, & naturali exemptos esse a ciuilibus principum legibus. Ita sentiunt Innoc. Host. cap. 2. de maior. & obed. glo. in cap. si Imperator dist. 96. in verbo discuti, & in cap. quanquam, de censib. in 6. in verbo diuino. Ioann. Andr. Dominicus, Archid. Anchar. Franchus in cap. quanquam de censib. in 6. Abb. Felyn. Dec. Butrius in cap. Ecclesiæ sanctæ Mariæ de Constit. de sent. excom. Auferrius, Clem. 1. de offic. iudic. ord. vers. ad quæst. Röchus, Curtius in cap. ult. de consuet. Rota in antiquis decil. 10. de consuet.

Probant isti suam sententiam multis argumentis.

1. Primo ex Gen. 47. legitur Iosephum, cum Regi totam terram Aegypti quotanni tributo subiecisset, terram tamen sacerdotum immunem statuisse: & primo Esdræ 7. decernitur, ne Sacerdotes, & Leuitæ tenerentur soluere tributum Regibus Persarum: Item Numerorum 18. legimus dedisse Deum sacerdotibus decimas, quò sibi ipsi ad altare ministrarent, igitur sacerdotes, & religiosi, dum in diuino ministerio, & rebus sacris vitam degunt, secularium principum effugiunt potestatem. Deinde Matt. 17. vitio dabant Apostolis, quod Augusto Cæsari tributum non soluerent: illos autem percontatus Dominus, Reges ne terræ a proprijs fi-

2 Sñia Canonistarum.
Inn Host.
Andr. Dñ.
Archi. An.
cha. Abba.
Feli. Dec.
But Card.
Auf Cur.
Rota.

Argumenta
prosecuta
sententia ex
Scriptura.

4ijs, an ab alienigenis censum acciperent, Petro ab alienigenis affirmanti, respondit Dominus, ergo liberi filij sunt: ut autem illi non scandalizarentur pro se, & pro Petro tributum soluit, ex quo colligitur, Christum Dominum seipsum, & Petrum, quem Ecclesiæ suæ præfecerat, a solutione annui census liberasse. Insuper ait Psal. 114. *Nolite tangere Christos meos*, scilicet sanctos meos, quales clerici sunt a Domino consecrati.

*Argumenta
ex iure ca-
nonico.*

Argumentantur etiam ex iure canonico, quia in c. quam de cens. in 6 Bonifacius Papa VIII. decernit clericos, atque ipsorum bona omnia, tam iure humano, quam diuino civilibus Principum ordinationibus, & statutis non subiaccere, facit etiam ex cap. non minus, de immunit. eccl. ubi in Lateranen. Concil. Papa hæc verba habet, scilicet, *Sacerdotes maioris fuisse in Aegypto sub Pharaone asimationis, quam nunc sub civilium principum, & laicorum potestate: siquidem Pharaon Israeliticis omnibus emancipatis sacerdotes solum, atque ipsorum bona libertate donauit.* Id ipsum habetur multis in locis 11. quæst. 1. cap. præiitum, cap. placuit, & cap. relatum. Grat. cap. futuram. 12. quæst. 1. & cap. conuen. 23. quæst. 8. Rufin. suæ Hist. eccl. lib. 1. cap. 2. refert, Constantino Magno Imperatori porrectos fuisse libellos accusationum aduersus Episcopos, & illum accusantibus responsum dedisse: *Episcopos, & sacerdotes omnipotentis Dei iudicio reservari.*

*Responsio
Constantini Imp.*

Tandem ex ratione propriæ sententiæ robur adiiciunt, inquit enim si solum iure humano scripto clericalis turba a civilium principum potestate eximeretur, sequeretur hoc maximum ecclesiæ detrimentum, scilicet laicales principes, vel in totum, vel aliquali ex parte posse clericorum immunitati, & exemptioni derogare: ergo.

Sane valde gravis est quæstio, & non facili negotio terminanda: in qua nobis ita progrediendum existimo, ut primo quæ Doëtoribus communiter accepta sunt, deinde quæ

ambu-

ambiguo sensu laborant, diligenter adnotemus, & dilucidemus.

1. Notandum est hic non quæri, an exemptio clericorum, & ecclesiasticorum iure ciuili, & canonico confirmata sit, sed an ecclesiastici iure diuino a laicorum Principum legibus eximantur.

2. Notandum est, Marfilium Patauinum non iniuria ab ecclesia suspensum, & damnatum fuisse a Papa Ioanne XXII. per constitutionem incip. *sicet iuxta doctrinam Apostoli*. quoniam asserbat Imperatoris iuri, & potestati non modo sacerdotes, & clericos, sed Episcopos, & Archiepiscopos, atque adeo ipsum Romanum Pontificem iure diuino esse subiectos: & addebat, ipso quoque iure diuino laicales principes in Christum dominum, tanquam in hominem habuisse potestatem ex Ioan. 19. quando Christus Pilato respondit: *Non haberes potestatem aduersum me ullam, nisi tibi datum esset desuper*: & ex verbis Pauli ad Rom. 13. & 1. Pet. 2. Act. 25.

3. Notandum est, exploratum esse apud omnes Theologos, quod clerici in rebus diuinis, & ecclesiasticis iure diuino a laicorum Principum legibus sunt exempti: non enim clericis princeps prohibere potest sacrorum officiorum executionem, peccatorum punitionem, sacramentorum administrationem, Scripturarum interpretationem, excommunicationum, suspensionum, irregularitatis, & interdicti pœnas, eligendorum in Ecclesijs ministrorum examen, creationem, confirmationem, ordinandorum promotionem, & alia quamplurima.

4. Notandum est, receptum etiam esse, viros Dei obsequio dicatos nunquam ciuilibus occupationibus, & negotijs iure diuino sese immiscere posse: & si Rex, vel alius princeps clericis mandaret, vt in militiam proficiscantur, siue arma sumant, muros defendant, acies instruant, vel aliquid huiusmodi, ei obediendum nequaquam esse.

5. *Notand.* 5 Notandum, indubitatum esse, & omnes concedere, quod laici, quam in rebus annexis spiritualibus auctoritatem exercent, ea ecclesiæ privilegio vtuntur: huiusmodi sunt ius patronatus, capellæ Regiæ, ius sepulturæ, ius nominandi aliquos ad beneficia, item ius imponendi, & exigendi pensiones, & alia.

His ergo notatis, veritas quæstionis versatur in his duobus.

Primo, vtrum clerici in rebus civilibus, & temporalibus possint iure diuino cogi ante tribunal laicorum, & illorum sententijs, & statutis obtemperare.

- Secundo, an iure diuino clerici sint immunes a censibus, & tributis principum sæcularium.

1. *Conclus.* 1 Dico, secundam sententiam rationi, iurique canonico, ac diuino consentaneam esse: eam enim sequuntur nō modo canonistæ fere omnes, sed etiam Theologorum pluri, vt Syluester verbo, immunitas. 1. quæst. 4. versic. secundum ad munera. Almain. tractatu de suprema potestate eccl. cap. 8. prop. 3. ad finem. Angel. verbo immunitas, num. 33. versic. 11. Præter quam quod canonistæ aiunt exemptionem clericorum cum iure diuino maxime conuenire, licet non concedant esse de iure diuino in rebus temporalibus, quod tamen legitur in iure canonico in c. quamquam de cens. in 6. & cap. si Imperator, dist. 96. & cap. non minus, de immun. eccl. & cap. nimis, de iure iur. idem habetur in Conc. Lateran. sess. 9. in Bulla reformationis curiæ, vers. & cum a iure, vbi hæc verba leguntur: & cum a iure tam diuino, quam humano, laicis potestas nulla in ecclesiasticas personas constituta sit: quibus verbis suffragantur etiam illa Concil. Trid. sess. 25. de reform. cap. 20. quæ sunt ista: *Et personarum Ecclesiasticarum immunitatem Dei ordinatione, & canonicis sanctionibus constitutam.* Ergo manifeste constat ex ipsis locis, clericorum immunitatem esse de iure diuino.

2 Dico,

2 Dico, secundam sententiam Canonistarum niti etiā *conclus*
 ratione. Primo quia ea, quæ Deo, & diuino cultui eman-
 cipantur, non amplius laicali iurisdictioni substant, Habe-
 tur in cap. nulli, cap. prædia, in quæst. 2. & cap. quæ semel.
 19. quæst. 3. cap. semel, de reg. iur. in 6. vbi dicitur: *semel*
Deo dicatum, non est ad vsus humanos amplius transferendum:
 Item in l. summa, ff. de rer. diuisione, & in institut. tit. eod.
 S. nullius, & in cap. in legibus 12. quæst. 3. dicitur, sacris
 vsibus instituta, esse bona Dei, ergo statim ac Deo dican-
 tur ab omni laicorum iure, atque imperio liberantur, quid
 enim rei est laico cum clericis in Dei sortem, partem, &
 hæreditatē vocatis? Præterea, si vrensilia ipsa, atque
 mobilia, vel stabilia, vbi diuinis ritibus, & officijs sunt ob-
 lata, a sæcularium vsu, commodo, & iurisdictione secernū-
 tur, ita vt aliqua ne tangere quidem possint, cur non cleri-
 ci Deo perpetuo seruientes eodem priuilegio, & immu-
 nitate gaudebunt? Ad extrēmum, maxima hinc oritur ser-
 uorum Dei, & Ecclesiarum quies, pax, & tranquillitas, quæ
 alioquin multa paterentur damna, & incommoda, nisi ve-
 rò similis esset, Clericos iure diuino a laicorum Principū
 legibus, & statutis esse absolutos.

Modo ad argumenta primæ sententiæ, respondeo.

Ad primum, Pauli ad Roman. 13. & 1. Petri 2. & Act. 13. *Responde-*
 & Matth. 22. & Ioan. 19. dicimus, quod Paulus aduertens *tur ad ar-*
 Dei Ecclesiam iam florere incipere, & facillimè posse ad *gumentū se-*
 nihilum reduci, si Principum legibus, & potestati non pa- *cunda sen-*
 ruiſſet, ideo dixit ad Rom. 13. Omnis anima potestatibus, *tentiæ.*
 &c. non tamen voluit significare Clericos iure diuino Prin- *patet in 1*
 cipibus sæcularibus esse subiectos, & intelligitur locutus re- *cap. 13.*
 spectiue, videlicet laici sint subiecti Principibus laicis, &
 Clerici Prælati. Sanctus tamen Hieronymus per pote-
 states sublimiores Ecclesiasticas dignitates intelligit, ad
 Rom. cap. 13.

Ad illud Ioan. 19. *Nō haberes potestatem aduersum me, &c.*
 dico

dico potestatem duplicem esse, vnam facti, alteram iuris, loquutumque esse Christum Dominum de potestate facti, qua communiter Tyranni vtuntur, non autem de potestate iuris, modo quaestio non est de prima potestate, sed de secunda.

Ad reliqua argumenta facilis est responsio, siquidem Clerici statim ac diuino seruitio, & cultui sunt dicati, ab omni laicorum imperio, & iure soluantur, quod de Christianis eo ipso, quod Christiani sunt, non contingit.

DISPUTATIO II.

Virum ex longa consuetudine laici in Clericos potestatem habeant.

1. Sententia
est Nauar.
Gul. Ray.
Covar. &
aliorum re-
sentiorum.



SENTENTIA est Nauar. in Man. c. 27. nu. 70. Guliel. de Bened. in cap. Rayn. in ver. & uxorem, decis. 2. Covar. pract. q. c. 35. num. 5. & aliorum recentiorum, qui experientia facti dicunt, à iudicibus regijs Clericorum causas ad sua tribunalia saepe fuisse reuocatas, & hoc rectè factum esse conantur defendere.

Argumenta
pro pri-
ma senten-
tia.

Primò probatur ex text. in cap. filijs, & nepotibus, l. 6. q. 6. qui iubet, si Metropolitanus deperdat bona Ecclesiæ, debere hoc Regi denunciari, ergo inquit, vt eum corrigat, & poena afficiat.

Sed respondeo, ibi text. minus hoc voluisse inferre, sed benè denunciari Regi iubet illum Metropolitanum, vt Rex ipsum vel reprehendat, vel faciat instantiam alteri superiori pro illius correctione.

Secundo probatur ex verbis D. Hieron. in cap. Regum, 23. q. 5. vbi de officio regali verba faciens, inquit: Regum munus

esse facere iudicium, & iustitiam, & eruere oppressos a manibus opprimentium.

Huic quoque auctoritati respondendum ita est, quod cum facienti iudicium requiratur iurisdiclio, maximè ad Regem inquit D. Hieronymus, pertinet iudicare de illis, in quos auctoritatem, & ius habet, scilicet in subditos: Clericis tamen proprii iudices sunt concedendi, nec in eos regiâ auctoritatem exercere valet.

Quibus dictis suffragatur quotidie Rota Romæ, quæ definit, laicorum huiusmodi ius in Clericos nihil de iure posse: imò pugnare cum sacris sanctionibus, quoniam Concilia, & Pontifices interdiciunt expresse laicis, ne Clericorum causas ad sua tribunalia reuocare audeant, ex cap. placuit, vt quisquis, cap. peruenit, 11. quæst. 5. cap. inclita, cap. si quis ex tratribus, & cap. si diligenti, & cap. significasti, de foro. competen. vnde nec Episcopi licentia potest illis hanc auctoritatem communicare, vt norant ibi, & in cap. qualiter. Butrig. num. 8. Ioan. Andr. num. 11. Panor. nu. 7. Anch. nu. 5. Imo. nu. 3. Abb. & Bellamer. sub num. 3.

Rota Romana.

2 Sententia est negatiua, & vera, laicos vi consuetudinis nullam habere auctoritatem, & ius in Clericos: ita Dec. num. 88. conf. 150. num. 4. Bald. in cap. Clerici, Butrig. ibid. num. 2. & 11. Felin. cap. 2. sub nu. 3. Ioan. Andr. num. 6. Franc. num. 10. Ioan. Monach. num. 5. Romanus num. 13. & Panor. cap. qui quis, sub num. 3.

2 Sententia est Dec. Et Butr. Fel. Ioan. And. Pan.

Hac secunda sententia probatur ex cap. Clerici, de iudic. in quo statuitur longam consuetudinem non posse præiudicare sacris ordinationibus, in quibus tollitur omnis potestas laicis cogendi Clericos ad tribunalia secularium.

Argu. pro 2 sententia.

Secundo probatur ex cap. qualiter, & quando de iudic. in quo verum est, ne laici Clericos ad sua tribunalia conuenire vlllo modo possint.

Terrio probatur, quia alioquin talis consuetudo tolleretur libertatem ecclesiasticam, quod spectatim norat Bald. in cap.

in cap. Clerici, Panorm. num. 6. Innocent. in cap. nouerit, de sententia excommunicat. Bartol. & Bald. in alia constit. Feder. cassa, & irrita, C. de sacrosanct. eccles.

1. *Conclus.* 1 Dico de præscriptione, eam non auxiliari laicis contra Clericos, etiam si sit temporis immemorabilis: ratio est, quia ex cap. causam notant Doctores, laicos non posse potestatem spirituales habere, & exercere ciuilitate, quoniam sunt inhabiles ad illam, nec virtute alicuius præscriptionis habere ius, & auctoritatem in spiritualibus, atque adeo in Clericos: ita Ioan. Andr. & omnes in cap. 2 de præbend. in 6. Dec. in cap. decernimus, nu. 38. de iudic. & Panorm. in cap. quanto, num. 2. de consuetud.

2. *Conclus.* 2 Dico, non posse sæculares principes Clericorum causas decidere, & sententiarum, neque vi, aut armis cogere Ecclesiasticas personas ad comparandum ante sua tribuna- lia, nisi cum a Prælatibus illarum fuerint requisiti: ex cap. ad- ministratores eadem quæst. & cap. 1. de offic. ordin.

3. *Conclus.* 3 Dico, quando aliquis Prælatus contumacia, aut insolentia subditorum Ecclesiasticorum non potest exercere suam auctoritatem, & potestatem in suos Clericos, debet ad Principes sæculares recurrere, & eorum auxilium, & bra- chium postulare, qui tenentur ei suffragari, ut not. Bald. in cap. olim, num. 14. de rescript. Panor. in cap. tua, nu. 10. de decim. & alij, & est textus in cap. 1. de offic. ordin.

DISPUTATIO III.

*Virum consensus Romani Pontificis sufficiat in
his, quæ longa consuetudine usum iam
acceperunt.*

1. *Sententia*



SENTENTIA est affirmatiua, laicales ma-
gistratus multas Ecclesiasticorum causas ad
sua prætoria reuocare, & iure posse decidere
ex tacito

ex tacito Romani Pontificis consensu, ita aliqui recentiores.

2 Sententia est negatiua, quæ probatur primo, cum 2. Sententia
semper in dies Romæ Romani Pontifices reclamant in sæculares, qui ecclesiasticos conueniunt, & ad sua tribuna-
lia cogunt, prohibeant, pœnis, & censuris afficiant, qui
talia facere audent.

Prætereo tot Roræ, & Romanorum Auditorum decisio-
nes: item litteras monitorias Auditoris Cameralis. Item
solemnem publicationem excommunicationum quotan-
nis factam a Romanis Pontificibus in die Cœnæ, quibus
omnibus aperte colligitur tantum abesse, vt verum sit,
quod isti recentiores dicunt, vt potius falso conuincantur.

Dices, posse laicos ecclesiasticorum causas recognosce- obisio.
re, & iudicare, quando certa est consuetudo, non posse
autem, quando incerta, vel simulata est.

Respondeo, Romanos Pontifices quotiescunque in Bul-
lis dicunt, sub prætextu consuetudinis sæculares non au-
deant Ecclesiasticorum causas ad se auocare, eos nedum
prohibere hoc illis, quando consuetudo certa & manife-
sta est, sed etiam quando est incerta, & subobscura.

1 Quæres, an laici iudices possint Ecclesiasticas cau-
sas recognoscere, quando habent priuilegium Romani Pō-
tificis, vt inquit Bann. 2. 2. qu. 67. art. 1. dub. 2. conclus. 6. Quid faciē
dum quan-
do Princi-
pes habent
priuilegiū
a Papa.
Regem Hispaniæ habere, qui potest Ecclesiasticos ad sua
Tribunalia cogere, quando aliquis laicus quærimoniā
facit.

1 Dico, esse videndum, an vere is habeat priuilegium, 1. Conclus.
qui dicitur habere, & ipsius esse illud ostendere, quando
fiat instantia.

2 Dico, debet considerari, an illud priuilegium sit
personale, an ad tempus, an ad particulares, an ad omnes
personas, & quibus conditionibus munitum, & roboratum: 2. Conclus.
item fueritne vnquam derogatum.

C

3 Dico,

● *Conclus*

3 Dico, non esse fide digna, huiusmodi privilegia: fuisse vlli vnquam concessa in Pontificiæ auctoritatis detrimentum, & diminutionem, & contra Bullam Cœnæ: quod si etiam concessa fuissent, quis nesciat per huius publicationem penitus reuocari, & de facto tolli?

*Quo Papa
possit lai-
cis causas
ecclesiasti-
cas com-
mittere.*

2 Quæres, quomodo Papa possit laicis causas Ecclesiasticas committere, cum iure diuino clerici a sæcularium potestate sint absoluti: quoniam Papa iuri diuino non potest derogare.

*Quæ potest
Papa lai-
cis commit-
tere, &
qua non.*

Respondeo, iuris diuini esse, ne laici per se clericorum causas cognoscant, sed quando cognoscunt ex auctoritate Romani Pontificis, id non iudicant ex propria auctoritate, sed tanquam ministri Papæ, atque ideo ius diuinum abrogare non dicuntur. Et summa est, ea quæ sunt iurisdictionis laicis posse committi a Papa, non autem quæ sunt ordinis. quia horum laici sunt penitus incapaces.

DISPUTATIO IV.

Vtrum leges Principum sæcularium obligent clericos, & personas Ecclesiasticas.



HÆC quæstio a multis pertractata est, de hoc enim agunt Fely. Abb. & alij in cap. Ecclesia S. Mariæ de Constit. & interpretes iuris ciuilibus in l. omnes populi, ff. de iust. & iur. & in l. ad instruct. C. de sacrosanct. eccles.

Notandum.

Notandum est, quod leges, & statuta possunt dupliciter considerari, vel quatenus Imperatoria, Regia, & sæculari auctoritate confirmata sunt, & hoc modo non obligant ad illorum obseruationem clericos, nec personas Ecclesiasticas, & ratio est, quoniam clerici non substant in-
risdi-

iurisdictioni laicorum, nec Reges, aut Principes possunt condere leges, nisi in subditos, quoniam ferre leges, pertinet ad iurisdictionem. Bald. in l. nulli, C. de sent. & interloc. vel possunt considerari, quatenus in se aliqua habent, quæ iure naturali, vel canonico præcipiuntur, & ita ligant in foro conscientie Ecclesiasticas personas, non quatenus leges ciuiles, sed quatenus iure naturali, diuino, vel canonice confirmantur.

Quæres, quare leges laicorum obligent clericos, non ea ratione quatenus ciuiles, sed quatenus lege ciuili aliquid iure canonico, naturali, vel diuino præceptum continent.

Respondeo, quia clerici, & personæ Ecclesiasticæ tenentur iure naturali, canonico, & diuino, non ciuili, quia laici nullam habent in clericos auctoritatem.

1 Dico, quod laicus non obediendo legibus Principis, *1. Concluf.* poenas incurrit per leges sui principis statutas, clericus autem, non sic, quoniam peccat solum contra legem naturæ, non contra ciuilem.

2 Dico, quod laicus frangendo legem principis ciuilem, iure ab ipso poenis afficitur, ac clericus eandem violando non a principe laico, sed a suo prælato condemnari, & puniri debet, si eandem legem condiderit. *2. Concluf.*

DISPUTATIO V.

Utrum clerici, & Ecclesiastici teneantur obedire legibus laicorum, quibus pretia rebus venalibus imponuntur.



AE C disputatio potest habere duplicem sensum, vel an clerici teneantur non minus ac seculares illis legibus, aut teneantur vendere res suas honesto pretio, quod lex præscribit laicis.

C 2

Dico,

Conclufio. Dico, fi intelligamus primo modo, certum eſſe non ita obligari clericos illis legibus, quemadmodum laici, quia lex quatenus civilis eſt, non habet ius in clericos: at ſi quaſtio ſit de ſecundo, dico clericos, non minus obligari quam laici, vt res ſuas vendant iuſto pretio, quia hoc eſt iuris naturalis, & diuini, quibus alligantur Eccleſiaſticae perſonae, & non ſolum laici; alioquin ſi clerici res vendant ſupra honeſtum pretium, furtum committere dicuntur. Nō tamen lege civili tenentur Eccleſiaſtici vendere triticum, oleum, vel ligna eo pretio, quo laicis eadem lege praſcribitur: etſi in lege civili clericis etiam poenae imponantur, nihil in illos roboris habent.

DISPUTATIO VI.

Vtrum leges ſecularium obligent clericos, ne exterius bona in ciuitate poſſia vendere, locare, aut concedere poſſint.

*Refutatur
ſua Sign.*



*Sua nega
tiua eſt cō
munis.*

LICET Signorol. de Homodeis pro affirmatiua ſententia multa adduxerit conſil. 21. nihilominus tamen ſententia negatiua quod tale ſtatutum non comprehendat clericos, vera & communis eſt & ſacris Canonibus conformis ita Alberi. de Roſatis tra. de ſtatutis par. 2. qu. 2. Paul. de Caſtro conſ. 89. nu. 1. lib. 2. Fely. in cap. Eccleſiae S. Mariae nu. 81. & 89. de Conſti. Julius Clar. in pract. crim. qu. 82. ad quintum ſtatutum circa alienationem nu. 2. vbi opinionem aſſerentem tale ſtatutum, vel leges Principum ſecularium non legare clericos nec Eccleſias dicit eſſe communem: Plotus conſ. 19. nu. 11. 12. Iacob. Mandellus conſ. 8. nu. 9. concl. 6. vbi impugnat

pugnat consilium Signorol. de Homod. eandem sententiā
negatiuam in terminis tenuit sepe Rota, & signanter in
vna Regien. siue Corigien. bonorum die 6. Februarij an.^{Decisio 14.}
1589. coram bon. mem. Gipsio.

DISPUTATIO VII.

*Utrum leges secularium possint obligare bona,
& agros ad Ecclesiasticas personas tran-
slatos solitis contributionibus a po-
pulo imponendis.*



HÆC quæstio est grauissima quam Calderin. ^{Quæstio grauissima}
tractat cons. 7. de Constit. vbi nu. 2. vers. ista
quidem, considerata eius grauitate dixit in-
digere summi Pontificis declaratione.

Doctores qui valde sepe in hac re obscure ^{Nota di-}
loquuntur, sic distinguere solent; quædam sunt onera, quæ ^{stinctione.}
prædijs, siue bonis propter ipsamet bona indicuntur, siue
imponuntur, vt in l. rescripto S. fin. & in l. munerum S. pa-
trimoniorum ff. de muner. & honoribus, & tunc dicunt ta-
lia bona sic onerata ad quemcunque perueniant, transire
cum illo onere, quia illud onus est certum, reale, & perpe-
tuum. Innoc. in c. non minus de immunit. Eccles. Abbas
cons. 53. num. 1. vers. certum est lib. 1. Anchar. cons. 96. nu.
6. versiculo cessit autem.

Quædam vero sunt onera non perpetua & certa, sed pro
varietate temporum & negotiorum imminentium varia-
bilia & mutabilia, quorum impositio, vt precitati Docto-
res dicunt, fit pro solido & libra, & hoc casu Doctores di-
cunt, quod si res, siue bona tali onere grauata perueniant
ad Ecclesias, vel personas Ecclesiasticas, sunt libera, quia
desinit illud onus, postquam res peruenit ad personam
priui-

privilegiatam cap. nouerint 10. qu. 1. cap. 1. de iure patro-
natus lib. 6. ita Archid. dicto cap. 1. de immun. Eccles. lib.
6. quem refert, & sequitur Ioan. Andr. nu. 5. in fin. & Ge-
min. ibid. nu. 9. vers. tamen subdebat, & Calder. conf. 7.
de constit. nu. 2. circa fin. vers. subdit tamen, & hanc sen-
tentiam tenuit Rota in causa Brundosina gabellæ die 13.
Febr. 1604. coram Penca.

*Decisio-
ta.*

Ex prædictis inferitur hunc secundum casum de oneri-
bus non perpetuis nec certis diffiniendum esse ad fauorem
ecclesiarum, & personarum Ecclesiasticarum, ita vt Prin-
cipes sæculares non possint per suas leges obligare bona &
agros ad Ecclesiasticas personas translatos solis contri-
butionibus a populo imponendis per Canones etiam Cõ-
ciliorum generalium claros in cap. non minus, & in cap.
aduersus de Immun. Eccles. & per Constit. Pontificiam
Alexandri Papæ IV. in cap. 1. de immunit. Eccles. lib. 6.

*Sententia
vera.*

De primo casu quando onera sunt perpetua, & certa, &
rebus imposita maior est difficultas, & si generalitati sa-
crorum Canonum standum sit, idem dicendum videtur;
quod de secundo casu, & ego vt tutas reddam Principum,
& Magistratum sæcularium conscientias, non possem tutæ
conscientia aliud suadere, quam vt cum talia onera im-
ponenda, vel imposita iam exigenda sunt, non aliter fiat,
quam consulto & concedente Romano Pontifice.

*Quid de-
beant face-
re Principes.*

DISPUTATIO VIII.

*Utrum clerici obligentur ijs legibus, quibus decer-
nitur, dimidiam bonorum partem
legitimè pertinere ad filios.*



V AERITVR, an clerici sint obliga ti illis
statutis, quibus lex ciuilis determinat, dimi-
diam bonorum partem ad filios pertinere ex.
g. si Franciscus, qui lege ciuili tenetur relin-
quere

quere filio suo dimidiam portionem bonorum, relinquat tantum tertiam partem, & Ecclesiæ reliquum, quæritur, an Ecclesia teneatur reddere filio bona usque ad integram satisfactionem dimidiæ portionis.

Dico, Ecclesiam teneri reddere in foro conscientiæ, *Concluse.* quoniam lex illa civilis nihil immunitati ecclesiasticæ derogat, & proinde ea clerici & Ecclesiæ tenentur; ita Fely. Abb. & plerique in cap. Ecclesia S. Mariæ de constit.

DISPUTATIO IX.

Virum leges saculares, quæ tollunt aliud civile statutum, quod clericorum continebat immunitatem, possint derogare libertati, & privilegio Ecclesiasticorum.



VAERITVR, num lex civilis abrogans aliud statutum, quo aliquod privilegium clericorum continebatur, possit obligare in præiudicium libertatis ecclesiasticæ; ex gr. statutum erat, ut in certa Ecclesia erogaretur singulis annis tanta pecuniæ summa, deinde aduenit alia lex id prohibens, quæritur an in foro conscientiæ teneat huiusmodi statutum.

Licet quorundam sententia sit affirmatiua, ego tamen existimo negatiuam esse veram, & ratio est, quia beneficium ubi ecclesiæ confertur, vim habet iuris, nec potest laicus illud amplius reuocare, plura vide apud Fely. in cap. Eccles. S. Mariæ de Constit. nu. 97. *Negatiua est vera sententia.*

DISPUTATIO X.

An leges faculares, quibus cauetur, ne quis possessionem apprehendas Ecclesia, vel beneficiorum sine facultate Principis, vel suorum ministrorum, valeant.

Concluse.



ICO cum communi sententia Canonistarum, quos refert Fely. in cap. Eccles. S. Mariæ de Const. nu. 96. non valere, quoniam derogant ecclesiasticæ immunitati, ecclesia enim habet ius, & potestatem mittendi clericos in possessionem ecclesiarum, & beneficiorum, ita omnes Canonistæ, qui communiter reprobant conf. 23. Angeli incip. *nulla persona* contra quod tenet etiam Abbas conf. 83. lib. 1.

DISPUTATIO XI.

An valeant leges secularium Principum constituentes pœnam propinquis, & cognatis Ecclesiasticorum, eo quod Ecclesiastici ipsorum suis legibus obedire nolint.

Concluse.



ICO non valere, quoniam damno afficiunt ecclesiasticos, & derogant immunitati ecclesiasticæ, ita Fely. num. 99. & est textus in cap. olim de iniurijs.

Quæres, quid dicendum de legibus puni-
tibus,

ribus, opprimantibus, vel onerantibus colonos, vel famulos Ecclesiasticorum, eo quod isti eorum forum, iurisdictionem detraherent, & recusent: Respondeo, eodem prorsus modo, quo supra dixi de Ecclesiasticis dominis.

Quid dicendum de colonis.

DISPUTATIO XII.

An valeant leges Principum secularium quibus statuitur ut clerici una cum laicis aliquid tribuant ad reficiendas vias, pontes, portas, muros ciuitatis, & alia huiusmodi; ut statuerunt Honorius, & Theodos. in l. ad instruct. & Theodos. & Valent. in l. iubemus, C. de sacros. Eccles.



SENTENTIA est dicentium clericos, & ecclesiam debere contribuere, ita Innoc. Vinc. Host. Glo. Cardin. Anchar. Philipp. in cap. non minus, de eccles. immunit.

1. Sententia



Sententia est dicentium, clericos, & ecclesiam non debere contribuere: & hæc est sententia communis canonistarum, ita Abb. Ioan. Andr. Butr. & alij, in cap. non minus, de eccles. immunit.

2. Sententia

I Dico, huiusmodi leges non obligare ecclesiasticos, & ecclesias, etiam quando est communis utilitas, nisi vel consulto Rom. Pontifice, si potest, vel non potest Episcopo loci iuxta decisionem Canonum non minus de immunit. Eccles.

Conclusio.

Quæres, quid dicendum de his, quæ toti populo soluenda imponuntur ad communem custodiam urbis, murorum,

D

rorum,

rorum, agtorum, tempore pestis, & belli. Respondeo, eodem prorsus modo, quo supra.

Et licet prima sententia sit secundum ius ciuile, tamen secunda cum sit secundum ius canonicum, omnino tenenda est.

Vide Beroum conf. 37. incip. consultatio. lib. 7.

DISPUTATIO XIII.

*An Ecclesiastici rei læsæ maiestatis per principes
seculares, & eorum iudices puniri
possint.*

Conclusio.



ICO, non posse iure, ita Iul. Clar. lib. 5. recepr. sent. in pract. crimin. quæst. 36. nu. 28. & probatur ex cap. si diligenti, de foro compet. ubi deciditur, quod clericus non nisi coram iudice Ecclesiastico conueniri, vel condemnari potest.

Obiectio.

Obijcies, in aliquibus ciuitatibus vi consuetudinis vigentis ecclesiasticos puniri ob crimen læsæ maiestatis a iudicibus secularibus.

Respondeo, in hac parte huiusmodi consuetudinem corruptelam esse, nec vis vlla præscriptionis, longæue consuetudinis laico ius dare potest, quia in laicum potestas Ecclesiastica cadere non potest: ita omnes communiter, vt infra.

DISPUTATIO XIV.

*An leges Principum secularium sibi iuste, cum
Ecclesiastica immunitati, & libertati de-
rogare videantur.*



NOTANDUM est, in quibusdam prouin- 1. Notand.
cijs & Regnis Christianorum Principum esse
statuta & leges, quibus cauetur, ne externi
admittantur ad ecclesiastica beneficia, ac
proinde literæ Apostolicæ non recipiantur
contrarium decernentes: item ne ex beneficijs ecclesiasti-
cis pensiones soluantur externis impositæ, & huiusmodi
literæ Apostolicæ non recipiantur. item non admittantur
literæ Apostolicæ, quibus derogatur priuilegijs ecclesiæ-
rum conferendi Canonici Magistris, vel Doctoribus.

2 Notandum, esse leges & statuta, quibus cauetur, ne 2. Notand.
Legati, vel Nuncij Apostolici ad regnum aliquod auctori-
tate Pontificia missi, vrantur facultatibus sibi a Romano
Pontifice concessis, priusquam facultates huiusmodi refe-
rantur ad Regia prætoria, & iudicibus, vel magistratibus
Regijs exhibitæ legantur, & recognoscantur.

3 Notandum est, hanc difficultatem fuisse tractarunt 3. Notand.
Couarr. in lib. pract. quæst. cap. 35. & 36. Dried. lib. 2. de
liber. Christ. cap. 2.

Hic monemus lectorem in hac quæstione decidendo, si- Admoni-
tio aucto-
ris ad le-
ctorem.
cut & in reliquis, ita caute procedendum, vt nihil dicatur,
quod vel immunitati ecclesiasticæ derogat, vel legitimam
Regum, aut principum potestatem tollat, lædat, aut of-
fendar.

Et ita breuiter referam, quid auctores de hac re sense-
rint, secundo quæ erunt probabiliora, ideo.

D 2

4 No-

4. *Notand.* 4 Notandum est, inter excommunicationes, quæ in Bulla Cœnz Domini promulgantur, vnam ferri solitam ab anno Domini 1586. quæ constituitur in laicos, & etiam clericos, qui ciuiliū principum auctoritate aliquo modo prohibent, impediuntve executionem literarum Apostol. mandator. & aliorum ecclesiast. processuum, vel decretorum pertinentium ad gratiam, vel iusticiam, & in eos, qui suum ad id consilium, aut assensum præstant, etiam prætextu violentiæ tollendæ, vel iniuriæ depellendæ, vel causa alterius obtenti iuris, seu etiam donec appellauerint ad Rom. Pontificem melius informandum, aut ei supplicauerint, nisi supplicationes huiusmodi coram Rom. Pontifice legitime prosequantur.

Quare dubitatur, an huiusmodi excommunicatione afficiantur iudices, Magistratus ciuiles, qui vim, vel iniuriā repellendi causa literas Apostolicas apud se retinent, & impediunt, quominus executioni mandentur, nec quippiam ad Romanum Pontificem referant, vigore priuilegiū, & vt hæc difficultates bene discutiantur, sit

DISPUTATIO XV.

An causa possessoria, quando est de rebus spiritualibus, vel quasi spiritualibus possit iure coram iudice ciuili agi, & iudicari.

1. *Notand.*
Quotuplex
sit causa:
Quid sit
spiritualis
simpliciter



E. hac quæstione agit Abb.c.literas de iuram. calum. Couarr. lib. pract. quæst. c. 35. nu. 1.

1 Notandum est, vt docet Abbas, quæstio, seu causa de re spirituali potest esse simpliciter spiritualis, aut simpliciter ciuilis, aut mixta: simpliciter spiritualis est ea, in qua tractatur de iure,

iure, .f. an hoc, vel illud matrimonium valeat, an hic, aut ille sit ex legitimo matrimonio natus, an impetratio beneficii canonica fuerit, &c. & huiusmodi causæ nullo modo coram iudice sæculari tractari possunt, cap. tuam, de ordine cognitionis, & c. lator, c. causam, qui filij sint legitimi.

Causa, quasi spiritualis est ea, in qua agitur iudicio possessorio, quod requirit etiam ex aliqua parte petitorium, quo agitur de proprietate rei, ex.g. cum tractatur de restituenda coniuge marito, opus enim est tam causam agere, scilicet, legitimum inter eos matrimonium constituisse, cap. ex transmissa, & cap. ex parte, de resti. spolia: & hæc causa ex Abbate agi debet coram iudice Ecclesiastico, quia est ei coniuncta causa spiritualis, sine qua expediri non potest.

Causa simpliciter ciuilis est, in qua nihil spirituale tractatur, vt cum agitur de iure succedendi in hæreditate.

Causa mixta est, in qua tractatur, an Franciscus, v.g. succedat in regno, quia simul etiam agitur, an fuerit hæreticus, vel excommunicatus, his positis.

Quæstio est, an cum agitur vt Franciscus clericus recuperet ecclesiæ possessionem, a qua est eiectus per vim, vel retinet beneficii possessionem, in qua ab alio turbatur, sit causa spiritualis, an potius ciuilis.

1 Sententia est Guidonis Papæ, Guliel. Bened. Nicolai Boer. Anfreij, Thom. Gramm. Ioan. Gall. Carol. De-grass. Ioan. Sel. quos refert Couarr. lib. pract. quæst. cap. 33. num. 1. qui dicunt, huiusmodi causam esse ciuilem, & ad iudices laicos pertinere, & in Gallia esse consuetudine receptum.

Probant auctoritatibus Glos. in cap. cum dilectus, de elect. verb. iuramento, & in cap. literas, de resti. spoliat. in verb. iuramento, & Ioan. Andr. in cap. frequens, de resti. spoliat. in 6. Innocentij in eodem cap. cum dilectus, & Archid.

2. Sentent. 2.
la. Lign.

2. Sententia est Ioan. Lignani, & aliorum apud Panor. in cap. literas, dicentium, huiusmodi causam esse spiritua- lem, vel quasi spiritualem, & ad ecclesiasticum iudicem pertinere: & probatur ex Clement. 1. de causa possess. & Clem. 1. de sequest. possess. vbi causa de beneficio, siue iure petitorio, siue possessorio spiritualis censetur, his po- sitis.

Hæc secunda sententia est vera & tenenda, quia iuri ca- nonico conformis.

Quid fa-
ciat con-
suetudo.

Quæres, an ob consuetudinem receptam, hæc causa pos- sit ad civiles iudices pertinere, cum reus est laicus, & actor clericus est. Respondeo contra Couarruiam tenentem affirmatiuam, & contra Matthæum de Afflict. decil. 24. di- centem id in Regno Neapolitano vsu esse receptum: si hu- iusmodi causa est spiritualis, vel quasi spiritualis, ad iudi- cem laicum trahi non potest, nec consuetudo contraria vim habet: nam laicus non potest sibi vindicare, quæ sunt Ecclesiast. iuris. Et hæc sententia est tenenda.

DISPUTATIO XVI.

*Anticum Episcopi, & ceteri ordinarij, et his supe-
riores Antistites sunt negligentes in iudicandis
huiusmodi causis ad Ecclesiam pertinentibus;
iudex secularis iure possit eas ad se reuocare.*

1. Sentent.

SENTENTIA est Couarruiæ, quem sequi- tur multi, id fieri posse. & probant primo, quia sic respublica quiete viuit, & omnis violentia propulsatur, nam alias delicta impunita rema- nerent, & innocentes ab improbis vexarentur. Secundo probatur auctoritate ex cap. filij, vel nepotibus, 16. qu. 7. vbi habetur Episcopis, & Archiepiscopis, negligentibus puni-

punitionem eorum rectorum, qui bonis ecclesiasticis abutuntur, licere patronis ecclesiarum Regem adire, vt illi malo medeatur.

2 Sententia est Abbatis, in cap. qualiter, & quando, 1. *Sententia*. de iudic. nu. 7. Innoc. Archid. Ioan. Andr. Panor. ibidem, qui dicunt iure id fieri non posse.

1 Dico, secunda sententia vera est. Nec enim cano- *1. Conclus.* nes, & iura voluerunt, vt spirituales causæ ad profanos iudices deferantur, & deuoluantur: nam in cap. qualiter, & quando, de iudic. Innocen. III. sic definiuit, ne pro defectu iustitiæ clerici deferantur ad iudicium sæculare, quod omnino fieri prohibemus, & idem constat ex cap. si quis clerici, & cap. placuit, cap. Christianis, cap. cleric. 11. qu. 1.

Ad argumenta primæ sententiæ: ad primum respondeo, *Responde-* non propterea sequi, vt impunita maneant delicta, aut in- *tur ad ar-* nocentes ab improbis hominibus opprimantur: nam si E- *gum. 1. sen-* piscopi negligenter se gesserint, præcipiunt canones, vt *tentia.* causæ ad Archiepiscopos deferantur, quod si illi neglexerint, ad Primates, & Patriarchas recurrant, & postea ad Nuntios, ad Legatos, & ad summum Pontificem.

Ad secundum argumentum responderet Panorm. in prædicto cap. qualiter, nihil obesse, quia solum ibi statuitur, vt Episcopo negligente, vel renuente ad Regem causa deferatur, non vt Rex ipse causam iudicet, sed vt moneat superiorem, vel ego respondeo hoc ius fuisse sublatum ab Innocentio III. in cap. qualiter, & quando supra allegato, vt ipse quoque Abbas testatur, & glos. quæ habetur in cap. illo filij, & ideo merito secundum Abb. rejicitur.

Nec mirum hoc esse debet, nam olim multa fuerunt permissa, & concessa, quæ postea sunt merito reuocata, mutata, & sublata.

Et sic potest respondi ad omnia alia argumenta, & autoritates contra nostram conclusionem.

DISPUTATIO XVII.

An leges Principum ſecularium ſtatuentes, ne beneficia Eccleſiaſtica conferantur externis; nec illis ſoluantur penſiones, nec admittantur littera Apoſtolica derogantes iuri patronatus Principum, ne executioni mandentur ſine conſenſu eorum, ſint contra immunitatem Eccleſiaſticam.

*1 Sentent. 2
Covarr.
Edictum
Caroli V.*

SENTENTIA eſt Covarruiz, de pract. qu. cap. 36. tenentis partem negatiuam, & refert extare edictum Caroli V. in Regnis Hiſp. quo iniungitur Episcopis, & Regis Magiſtratribus præcipitur, vt curent, ne auctoritate litterarum Apoſtolicarum iuri patronatus laicorum derogetur. & ideo in prætorio regio huiusmodi litteræ prius recognoscuntur, & diſcutiuntur, & executio impeditur, donec Pontifex certior fiat, quantum detrimentum Hiſpan. regna patientur, & quam grauis multorum offenſio ſit oritura, & tandem, vt velit huic tanto malo occurrere.

Rebuffus in praxi beneficiorum, 3. par. ſignaturæ, in verb. Nec non iure patronatus nu. 12. & 36. teſtatur hoc ipſum apud Gallos obſeruari.

Has leges Covarr. cap. 10. quibusdam rationibus defendit. Primo, quia hæ leges ante Philippi II. & Caroli V. tempora fuerunt longa conſuetudine receptæ, & approbatæ. Secundo, quia canones etiam præcipiunt, ne in externos eccleſiaſtica beneficia conferantur. Tertio, quia Reges Hiſpan. ſunt protectores, & patroni eccleſiarum, quæ in ipſorum regnis fundatæ ſunt.

2 Sen-

2 Sententia est communis posse Romanum Pontificē iuripatronatus laicorum derogare, si velit, ac proinde si velit, non inferre iniuriam, neque vim laicis, quia vtitur iure suo, & solum id ius adimit laico, quod habet ab ecclesia, & hoc docent glol. Archid. Innoc. Abb. cap. relati a Quart. loco citato.

2. Sent. off.
glol. Arch.
Innoc. Abb.

1 Dico, iuripatronatus laicorum non creditur Rom. Pontif. derogare, nisi expresse id faciat: hæc conclusio patet ex se.

1. Conclus.

2 Dico, quando Papa expresse derogat, debent profani iudices obedire, non obstantibus principum legibus, ratio est, quia causa est spiritualis, & ecclesiastica, & ita si Pontifex ferat excommunicationem contra impediētes literas Apostolicas, certe impediētes sunt excommunicati, nisi id seruent, quod Pius V. in Bulla Cœnæ Domini expressit anno 1568. ubi excommunicat laicos, & clericos, qui ciuiliū principum auctoritate aliquo modo prohibent, impediunt executionem, & vsum literarum Apostolicarum, mandatorum, vel aliorum ecclesiasticorum processuum, vel decretorum pertinentium ad gratiam, vel iustitiam, & eos qui suum ad id consilium, aut auxilium perstant etiam pro textu violentiæ tollendæ, vel alterius obtemperanti iuris, seu etiam donec ipsi appellauerint ad Romanū Pontificem melius informandum, aut ipsi supplicauerint, nisi supplicationes huiusmodi coram Romano Pontifice legitime prosequantur.

2. Conclus.

3 Dico, ex his intelligitur non esse liberum Magistratibus, & iudicibus secularibus literas Pontificias reijcere, quarum auctoritate beneficia in externos clericos conferuntur, aut derogantur iuripatronatus laicorum, sed licitum erit opponere de subreptione talium literarum apud iudicem Ecclesiasticum.

3. Conclus.

Quod si in literis Apostolicis expresse vtrique iuri Pontifex derogat, tunc licebit coram iudice competenti eccle-

E

siaſtico

fiastico feruato ordine iuris ad Pontificem Romanum appellare, & ipsi supplices libellos offerre, ne literæ Pontificiæ exequantur, dummodo id faciat opera & ministerio iudicum ecclesiasticorum, & postea vere appellationem, vt ait Pius V. prosequantur: alioquin ipsi nec propria auctoritate, nec regia literas Apostolicas impedire possunt: ratio est, quia potestas sæcularium principum est ciuilis, & non spiritualis, & Ecclesiastica.

Et idem dicendum est de pensionibus.

DISPUTATIO XVIII.

An liceat Principibus secularibus literas Apostolicas de causis spiritualibus recognoscere, & discutere, an sint falsa, & subreptitia.

1. Sent. est
Couarr.
Driedonis



SENTENTIA est Couarr. loco citato, qui tenet affirmatiuam, & refert in aliquibus prouincijs esse Principum leges, quæ prohibent, ne literæ Apostolicæ recipiantur, nec exequantur, quin prius apud Magistratus sæculares discutiantur, an sint veræ, vel subreptitiæ.

Et primo probatur, quia id seruatur vsu, & consuetudine in multis regnis principum Christianorum, idem docet Driedonus, quem Couarr. citat.

2. Sentent.

Conclusio.

1. Sententia tenet partem negatiuam.

Dico, iure communi pertinere ad iudices Ecclesiasticos huiusmodi recognitionem ad laicos vero pertinere non iure, sed solo priuilegio sedis Apostolicæ, & consensu Romæ Pontificis, qui potest, si velit iusta de causa, id Principibus, & Regibus demandare, & committere, vt ipsi non auctoritate

Auctoritate propria, & potestate ciuili, regia, vel Imperatoria literas Apostolicas discutiant, sed auctoritate Pontificis ipsis delegata, vt ranquam delegati a summo Pontifice id faciant: de priuilegio autem Apostolico, & de eius tenore omnino constare debet, quia qui priuilegium allegat, illud ostendere & probare tenetur cap. 1. de priuileg. nam quod priuilegio vendicatur, si non ostenditur, usurpatum cap. frustra 8. dist.

DISPUTATIO XIX.

An leges ciuiles Principum statuentes posse eos, qui a iudicibus Ecclesiasticis per vim & iniuriam censuris afficiuntur excommunicatione v. g. interdicto, &c. seculares magistratus adire possint, vt vim propulsant, & edicto cogant iudices Ecclesiasticos ab ea vi, iniuria desistere, sint contra immunitatem Ecclesiasticam.

SENTENTIA est Couarr. qui tenet posse 1. Sent. est Couarr. principes condere huiusmodi leges, & eas esse iustas.

Primo probatur, quia nisi Principes hoc remedio vterentur aduersus iudices Ecclesiasticos, innocentes passim opprimerentur, & Episcopi, quoniam procul a Romana Curia distant, auctoritate sua Ecclesiastica sepe abuterentur, sed hoc inconueniens per huiusmodi leges tollitur, ergo secundo probatur, quia Principum est, vt haberetur in cap. Reg. 2 3. quæst. 5. ius cuique reddere, & per vim oppressos a manibus violentorum liberare, ergo: ter-

E a tio

tio probatur ex cap. principes, cap. administratores, 23. quæst. 5. in quibus habetur, Principes sæculi intra Ecclesiã eam potestatem habere, vt superborum ceruices compriment, & quod fieri non potest per iudices Ecclesiasticos, .s. vel quia non possunt, vel negligunt id facere, ab ipsis iuxta disciplinam reipublicæ vtilem, executioni mandetur. Quarto probatur, quia hic vsus est apud Gallos, & apud aliquot alios principes, ergo

2. *Sensent.*

2 Sententia affirmat esse contra canones, & iura, vt principes, & iudices sæculares iudicent causas, & personas Ecclesiasticas, & ad sua tribunalia vocent, & pœnas in eas constituent: nam si clericus, vel Episcopus fuerit pœna dignus, debet condemnari, & puniri ab Ecclesiastico iudice secundum canones, nam clericus debet conueniri coram Episcopo, Episcopus coram Archiepiscopo, vt determinat cap. ad reprimendam de offic. ordin. cap. sacro. de sent. excomm. Archiepiscopus coram primatē, cap. antiqua, de priuilegiis primas coram Rom. Pontifice, vel Legato. Cur ergo, si Episcopus delinquat, causa defertur ad Curiam Principum sæcularium, & non ad Archiepiscopum, non ad Primatem, non ad Nuntium, vel Legatum Pontificis?

1 Dico, Magistratus regios, & principes sæculares iure non posse cognoscere causas ecclesiasticas, cum ecclesiastici iudices, vel negligunt, vel nequeunt: probatur, quia non est consequens, si Episcopi id non faciunt, deesse in prouincijs & regnis iudices Ecclesiasticos competentes, cū Archiepiscopi, Primates, cum sint Pontificis Legati.

Respondeo, quid si ipse quoque Romanus Pontifex canones, leges, & omnia iura negligat, & subuertat? delicta impunita relinquat? innocentes opprimat? vim inferat, & res ecclesiæ dissipet? Regum & principum iura peruertat?

Respondeo, Romanum Pontificem nullam potestatem in terris supra se cognoscere, & a nullo; nisi a Deo iudicari c nemo, 9. q. 3. c. si Papa, d 40. c. ipsi sunt, c. cuncta, 9. q. 3.

Item

*Quid faciat
du quando
Pontifices,
omnia iura
negligunt,
& subuertunt.
Papa non
cognoscit
in terris
nulla potestatem
supra se*

Item Roman. Pontificem superius esse qualibet humana potestate, & lege, vt tunc dicitur, quando disputabimus de potestate Romani Pontificis, quare si Pontifex legi ciuili, & canonici deroget, vel iuri scripto Regis, & id iniusta causa faciat, iudicari, aut condemnari ab vlla potestate non potest, sed orandus, & monendus est, ne id faciat, ei sunt proponendæ rationes, & causæ; quibus moueri possit, ne canones & priuilegia violet, & abroget. Itē per Cardinales, & alios præfules ecclesiarum rogandus est, vt Principum, & aliorum paci, & tranquillitati prospiciat. Et hoc est, quod Turrecrem. in summa de eccles. lib. 2. cap. 106. Syluester Papa. quæst. 4. vers. ex Paludano docuerunt.

Papa est superior quilibet alia potestate.

Ex his patet solutio argumentorum, quæ sunt desumpta ex cap. filijs, vel nepotibus, & cap. princeps, cap. administratores, & cap. regum supra citatis, de quorum vera intelligentia vidi decisionem Rotalem in causa Osen. canonicatus an. 1595. coram Penia. Obijcies, ius naturale est, vim vi repellere, l. vt vim ff. de iustit. ergo laicus ius habet vim repellendi vi. Respondeo, vim vi repelli posse in eo casu tantum, quando iudex, vel alius superior priuata auctoritate extra iudicium vim affert, non autem cum publica auctoritate iudicis procedit, seruando ordinem iuris: & si etiam tunc contra canones, & iura opprimatur, & condemnet innocentem, peccat quidem iudex, & secundum canones est appellandum ad iudices superiores, vt supra diximus.

Respondetur ad argumentum.

Decisio Rotale.

reposit

I Dices, quid erit agendum, si supremus iudex ecclesiasticus damnet innocentem. Respondeo, innocentem debere æquo animo poenas sustinere, & non iudici manus & arma inferre contra Victoriam in repetit. de potest. Papæ, & Concil. In 22. proposit. Quare visus forensis, quem approbat Couarr. non mihi probatur, imo videtur contra canones, & iura, & nullo modo defendi potest, cum canones

Quid faciendum cum iudex ecclesiasticus damnet innocentem. Falsa doctrina Couarruæ.

+ a thesauris
procedi
capite
egressi
nt

nones

nones prohibeant, ne etiam Imperatores, Reges, & Principes de clericis, & de causis spiritualibus, & ecclesiasticis cognoscant, & iudicent, nam pugnat cum sacris canonibus, ut ab ecclesiasticis iudicibus ad ciuiles, & seculares iudices appelletur, ita colligitur ex cap. qualiter, & quando, de iudic. cap. si quis clerici, cap. placuit, cap. Christianis, cap. clericum 11. qu. 1.

Obiectio.

Obijcies, in aliquibus prouincijs esse receptum consuetudine, quod laici de certis ecclesiasticorum criminibus, & causis iudicent, & corrigant. Respondeo, hanc consuetudinem canones corruptelam appellant: nam nunquam potest venire in prescriptionem, ut laicus iudicet causas, & personas Ecclesiasticas: & ita non erit satis, etiam si consuetudo sit temporis diuturnitate firmata, cuius initium non appareat, quoniam, ut docet Ioan. Andr. in cap. 2. de prae. in 6. & Abb. in cap. quanto, de consuet. consuetudo longi temporis decursu munita, cuius initium in hominum memoria non est, dat quidem ius ei, qui capax est potestatis, ut habetur cap. 1. de prae. in 6. sed non dat ius ei, qui capax non est iurisdictionis ecclesiasticae, ut supra diximus.

DISPUTATIO XX.

*An potestas, qua a summo Pontifice datur suis
Nuncijs, & Legatis, a Regibus & suis
Magistratibus discuti iure possit.*



QVARRVVIAS in cap. supra citatum, num. 4. dicit huiusmodi consuetudinē esse in aliquibus regnis, & defendit esse iuri congruentem, ne inquit, hi aliqua auctoritate utantur cum detrimento suorum subditorum, & regnorum, cum externi saepe ignorent, quae sint

Sint priuilegia Regni, & prouinciarum.

Respondeo ad hanc sententiam, & ad argumentum Couarr. quod ad summum eius argumentum tantum probat, Nunciorum, & Legatorum potestatem discuti debere per iudices ecclesiasticos, qui in regnis commorantur, quales sunt Egiscopi, Archiepiscopi, &c. & sic dico huiusmodi consuetudinem, quam refert Couarr. esse contra iura & canones, vt supra; ex commissione Papæ exhiberi tamen debent literæ Apostolicæ Legatorum, & Nunciorum Regibus, & Principibus, vt eis innouescat legitima legatio, neque enim videtur esse Pontificis mens, vt asserenti se esse Legatum, vel Nuncium Apostolicum, statim credatur, nisi literas Apostolicas suæ Legationis, suarumq. facultatum ostendat, vt colligitur ex cap. nobilissimus, dist. 97. & docent Speculator, & Anton. quos refert Andr. Cambarus in tract. de officio, & potest. Legati, lib. 1. §. qualiter Legatus gerere se debet, cum prouinciam est ingressus num. 3. & olim Legati Imperatoribus missi literas ostendebant, ex l. i. C. de manda. princip.

DISPUTATIO XXI.

An Principes habeant ius & potestatem conuocandi Episcopos, & Archiepiscopos, & alios Ecclesiarum antistites, & prelatos in sua diuisione manentes, vt libertatem, & pacem conseruent et defendant.

PRO declaratione duplex occurrit difficultas, *Duplex difficultas.*
 prima. An Princeps ex eo, quod sint Principes in suis regnis habeant ius patronatus Episcopatum, & beneficiorum in eis regnis existentium. Secunda an possint conuocare Episcopos & Prælatos suorum Regnorum Ecclesiasticos.

Ad

Ad primam difficultatem.

1. Conclus. 1 Dico Principes temporales ex eo, quod Principes sunt, non habere ius patronatus beneficiorum existentium in suis regnis, ita ut ad illa possint personas eligere & præsentare; dicuntur tamen esse patroni Ecclesiarum, & omnium beneficiorum ex eo quod eorum libertatem & immunitatem, & bona protegere, & defendere teneantur: isto enim modo dicuntur patroni, idest defensores & protectores, ita Abb. in cap. de hoc nu. 10. de simon. Præpositus in cap. Imperium num. 3. dist. 10. & sic resoluit Rota in terminis in causa Ouetensi Abbatie de Tugnon. die 3. Aprilis 1595. coram Penea.

Deciso Rota.

Ad secundam difficultatem.

2. Conclus. 2 Dico Reges & Principes sæculares ratione sui muneris, & officij non habere ius conuocandi Episcopus & eis præcipiendi, ut hoc vel illud faciant, quia de iuro diuino sunt exempti a Principum sæcularium iurisdictione c. quāquam de censib. lib. 6. possunt tamen Reges pro negotijs Reipublice communibus rogare Episcopos eosque vocare, ut ad se veniant, non tanquam Episcopos, sed tanquam proceres, quia opus illis habent, non tamen præcipiendo, & multo minus sub minus, vel poenis.



DISPVATIO PRIMA.

DE P O T E S T A T E

ROMANI PONTIFICIS

SVPER VNIVERSVM

O R B E M.



MISSIS erroribus hæreticorum.

In hac materia duz sunt sententiæ.

1 Sententia est Pontificem vt Pontificem non habere directe, & immediate vllam temporalem potestatem, sed solum spiritualementem

1. Sent. qd
Turrecre.
Phigii, Caiet.
Villor.
Sor. Card.
Bell.

tamen ratione spiritualis habere saltem indirecte potestatem quandam, eamq; summam in temporalib. ita Ioan. de Turrecre. lib. 2. sum. c. 13. Phigius lib. 5. hierarc. eccles. Caiet. in apolog. c. 13. Francisc. Victor. q. 2. de potest. eccles. Domi. 2 Sor. in 4. dist. 25. q. 2. ar. 1. & Card. Bell. lib. 5. de Potest. Pontif. c. 4. 6.

Fundamentum horum est, Christus vt homo dum in terris vixit, non accepit, nec voluit vllum temporale dominium, summus Pontifex Christi Vicarius nobis Christum representat, qualis erat dum hic inter nos viueret, ergo sum. Pontifex nullum habet temporale dominium: & quia hoc fundamentum est ex præcipuis basibus, cui fere totum eorum ædificium innititur, in probando in Christo fuisse regiam potestatem temporalem, aliquantulum immorabor infra in 1. conclus.

Fundamen-
tū p. m. a
sententia.

2 Sententia est Pontificem iure diuino habere plenissimam potestatem in vniuersum orbem terrarum, tum in rebus ecclesiasticis, tum in politicis: ita S. Tho. lib. 3. de re-

2 Sentent.
est S. Tho.
S. Anton.
S. Bonan.

F gi.

S. Aug. *in prin.* c. 10. *S. Anton. tit.* 3. de domi. reg. c. 2. *S. Aug.*
Alaj. Hér. *G. commun.* *in 1.* *gust.* Triumphus, Henric. de Gand. Alenl. 4. p. c. 4. *S. Bô-*
naui. in 4 d. 37. & aliorum, & hæc est sententia communior,
 vt infra in 4. conclus. videbimus.

1. Conclus. *In Christo* *fuit regia* *potestas tō* *peralis.* *Probat*
ex Scriptu *ra.* *Matth. 2.* *1.* Dico, in Christo Dominō nostro fuisse regiam pō-
 testatem temporalem contra fundamentū priuæ lentētiz.
 Primo probatur ex auctoritate Scripturæ, Matth. 2.
Cum natus esset Dominus Iesus in Bethelem, Reges sapientes
 orientales proprijs reliq̃is domibus Hierosolymam in-
 gressi, homines interrogando dixerunt, *Vbi es qui natus es*
Rex Iudeorum, Dominum appellant Regem, talemq̃ mu-
 neribus confitentur, ergo.

Conclusio. *1.* Dices, non tanquā regem temporalem, sed vt regem
 externum a regibus orientalibus Saluatorem muneribus
 veneratum fuisse. Sed contra, quia hæc responsio historiz
 Euangelicæ bene accommodari non potest narrat S. Mar-
 th. horum Regum nuntio, Herodem turbatum, vniuer-
 samq̃ ciuitatem fuisse commotam, & fremuit adeo Hero-
 des, ac timuit, ne regnum amitteret noui huius magni Re-
 gis ortu, vt barbarie immanissima in paruulos innocentes
 insequendo ab imatu, & infra in sinibus illis trucidari iussit:
 Herodis hæc commotio non aliunde profecta est, nisi a
 Magorum colloquio, quo Regem Iudeorum dominum
 Saluatorem nostrum regem temporalem cognoscebant, &
 confitebantur, non enim ob regem spirituales excanduisset
 Herodes, nec sibi timuisset, ergo Christus tunc vt Rex
 temporalis agnitus fuit: quod etiam munera ei a regibus
 oblata indicant, vt Iuencus presbyter annotauit, quem
 S. Gregorius Papa, & alij quamplurimi obseruauerunt.

Matth 17. Secundo, idem c. 17. exactores di drachmæ Petrum in-
 terrogant, cur Christus Dominus noster tributum non sol-
 ueret: Dominus vt propriam immunitatem ostenderet, cau-
 amque, cur non solueret Petrū interrogat, qui nam essent
 immunes ab hoc onere soluendp, an filij Regum, an subditi
 abicō:

subiecti: respondente Petro subiectos esse illos, qui tributa soluunt, infert Dominus, Regum filios liberos esse, ipsumque immunem: & hæc causa erat, cur tributum non solueret: nihilominus iubet Petro, ut eat ad mare, pisces capiat, os eius aperiat, in quo stateram inueniet, quo exactoribus tributum soluat, non quod teneretur: sed ne illis scandalo esset: hic sermo est de potestate regia temporali, huic nunquam tributa, & vectigalia subditi soluant, a quorum solutione immunem se ait esse Dominus. quoniam Rex erat.

Tertio ex Zacha. c. 9. ingrediēti Domino Hierosolymam, occurrit ei turba copiosa, asinæ insidenti, quæ vestimenta strauit in via magnoque acclamatu illum recipit: cur autem asinæ Dominus supersederit, enarrans Euangelista ait, ea de causa factum fuisse, ut adimpleretur propheta Zachariæ: *Ecce Rex tuus venit tibi mansuetus, sedens super asinam*: ut rex temporalis recipitur, & non ut Messia Saluator, quia mysterium istud iam tunc latuit, ergo in Saluatore nostro fuit regia temporalis potestas: Confirmatur, nam Saluator noster mittens discipulos ad accipiendum asinam, & pullum eius, ait illis: *Ite in castellum, quod contra vos est, & statim inuenietis asinam allegatam, & pullum cum ea, soluite, & adducite mibi: & si quis aliquid vobis dixerit, dicite, Dominus hic opus habet, & confestim dimittet eos*: ergo Dominus hoc actu exercuit regiam potestatem.

Quarto probatur in eodem Euangelio, cap. 19. Hebræis clamantibus coram Pilato, ab eoque flagitantibus, ut Christus crucifigendus traderetur: respondit ipse Regem vestrum crucifigam? ergo Pilatus agnouit potestatem Regiam temporalem, & habuit Pilatus hoc pro cōstanti, ideo in tabella, quæ capiti Saluatoris superposita fuit, inscribi mandauit I. N. R. I. & in hac sententia semper perseuerauit, ideo respondit Hebræis nolentibus hanc inscriptionem, quod scripsi, scripsi.

obiectiones.

1. Obijciunt auctores primæ sententiæ ex Luc. 12. quod adolescenti illi roganti Dominum Iesum, ut iudicium proferret in causa, quam cum fratre habebat: respondit, *O homo, quis me constituit iudicem, aut diuisorem inter vos*, ergo: insuper cum nouit, quod raperent eum, regemq. constituerent, aufugit, & secessit in partem aliam, ergo.

Responsio.

Ad primam obiectionem respondeo, negando consequentiam, quia negando proferre sententiam, & declinando ab illo iudicio, non sequitur, ut paret, quod non fuerit Rex.

Ad secundam respondeo. Saluatorem celsisse regno, dominoq. regali sibi ab hominibus oblato, quia noluit regē fieri per homines, qui regnum dabat hominibus: præterea id fecit propter eruditionem nostram, ut fugiamus honores.

obiectiones.

2. Obijciunt, Christus dixit Pilato, *Regnum meum non est de hoc mundo*, ergo: respondeo, quod Christus non dicit regnum meum non est in hoc mundo, sed de hoc mundo, intellige electione mundana; aut successionem in regno: venerat enim, ut nos redimeret: at completo Redemptionis mysterio sui regni administrationem Petro contulit, qui hanc potestatem temporalem in Ananiam, & Zachariam exercuit, Act. 5.

Quinto, probatur nostræ conclusio Ioan. 5. *potestatem dedit ei iudicium facere, quia filius hominis est*, ergo & Papa cum sit eius Vicarius, c. rogamus 24. q. 1. consequentia patet, quia eadem est iurisdictio delegati, & delegantis, Siluest. & Ang. in verbis: delegatus, nu. 5. idem tribunal, cap. non putamus, de consuetud. in 6. ergo.

2. Conclus.
Papa potest deum dicere.
Principes
seculares.

3. Dico, Papa ut Papa principes seculares de iudicare potest; primo probatur ex Scriptura, Moyses iudex à Deo constitutus est super Pharaonem Exod. 1. sed Moyses fuit summus sacerdos, ergo & Papa habet potestatem super principes, & reges, quod si summi sacerdos veteris legis hac

hac potestate functi sunt, multo magis nouæ legis illa fungebunt: confirmatur per tex. in c. per venerab. qui fil. sine legi. & in c. solita, de maio. & obe. quib. in locis docet Pontifex, plenam iudicandi potestatem temporalia, reges, & Principes in Christi Vicario reperiri varijs rationibus ex veteri, & nouo testamento desumptis.

Increpauerat Papa Constantinum Imperator quia Patriarcham Constantinopolit. eo non erāt prosequutus honore, qui tantæ dignitatī cōueniebat: & quia Imperator ægre tulit reprehensiones, Summus Pontifex ad Imperatorem literas dedit, quibus ostendit ab ipso iudicari posse Principes, & Reges, ex illo Hieremiz dicto a Domino, *Eccc constitui te super gentes, & regna, ut euellas dissipēs, adificēs, & plantes*: hæc verba non a quolibet dicta sunt, sed a Deo, nō regi, sed sacerdoti: quod si hæc dicta sunt sacerdoti, multo magis dicta erant summo Pontifici: hæc consequentia est Innocentij loco supra citato: & vide omnino hoc caput, ubi inuenies multas alias auctoritates, quas breuitatis causa omitto.

3 Dico, Papa, vt Papa leges ciuiles concedere potest, & Cæsareas immutare, & corrigere probatur, Papa reges ipsos, & Imperatores emendare potest, c. Adrianus, 63. dist. ergo multo magis eorum leges.

3. Conclus.
potest concedere leges ciuiles.

DISPUTATIO II.

*Sententia Auctoris ex communiori opinione
maximorum Theologorum &
Canonistarum.*



DICO, summus Pontifex iure diuino habet plenissimam potestatem in vniuersum orbem terrarum tum in rebus ecclesiasticis, tum in politicis, ita 2. sententia.

4 Conclus.
Papa iure diuino est dominus orbis.

Primo

Primo probatur ex cōmuniori senten. maximorū Theol.
 S. Th. lib. 3. de regimine Principum c. 10. dicit, dominiū
 quoddā est sacerdotale, & regale: Similiter aliud est regale
 vel Imperiale, tertiū est politicum, quartum æconomicum:
 primum ceteris antefertur multiplici via, sed præcipue ex
 institutione diuina scilicet Christi, cum enim eidem ser-
 undum eius humanitatem sit omnis collata potestas,
 Matth. 16. dictam suam potestatem suo Vicario commu-
 nicauit, cum dixit: *Et ego dico tibi, quia tu es Petrus, & super
 hanc petram ædificabo Ecclesiam meam, & tibi dabo clauēs regnī
 coelorum, & quodcūq. ligaueris super terram, erit ligatum,
 & in cælis & quodcūq. solueris super terram, erit solutum &
 in cælis;* quod si dicatur ad solam referri spiritualem pote-
 statem, hoc esse non potest, quia corporale, & temporale a
 spirituali & perpetuo dependēt, sicut corporis operatio
 ex virtute animæ: sicut ergo corpus per animam habet es-
 se, virtutem, & operationem ex Arist. & Aug. de immort.
 animæ, ita & temporalis iurisdictio Principum per spiri-
 tualem Petri & successorum eius principum. Et clarius c.
 19. & in 2. d. 44. q. 2. vbi clarissime habet Papam habere
 vtriusque potestatis apicem spiritualem, & temporalem in
 totum orbem terrarum.

S. Anton.

S. Ant. tit. 3. de dominio regnorum, c. 2. & 3. p. sum. tit.
 22. c. 5. §. 17. dicitur: qui enim dicunt Papam in orbem ter-
 rarum totum dominium habere super spiritualia, non au-
 tem super temporalia, similes sunt cōsiliarijs Regis Syriæ,
 quī dixerunt: [Dij montium sunt dij eorum, & ideo supe-
 rauerunt nos, sed pugnamus contra eos in campestribus &
 in conuallibus, in quibus dij eorum dominium non habēt,
 & obtinebimus contra eos, 3. Reg. 20. sic hodie mali consi-
 liarij adulatione pestifera seducunt Reges, & Principes
 terræ, dicentes, dij montium puta spiritualium bonorum
 sunt summi Pontifices, sed non, dij vallium, quia tempora-
 lium bonorum nullum dominium habent: ideo in campe-
 stribus

tribus in potestatem scilicet bonorum temporalium pugnemus contra eos, & obtinebimus: sed quid eis dicat diuina sententia audiamus [Quia dixerunt, inquit, Syrii, Deus montium est Deus eorum, & non Deus vallium, dabo hanc multitudinem in manu vestra, & scietis, quia ego sum Dominus,] hæc S. Antonin.

S. August. Triumphus in prin. summ. de potestat. eccles. S. August.
Triumphus.
ita inquit. Quamuis Dei filius humani generis naturam assumens, infirma mundi elegerit, ut fortia quæq. confunderet, ecclesiastica tamen potestatis altitudinem suos fideles latere noluit: quinimo tanquam supra petram fundatam, ipsam esse supra omnem principatum, & potestatem, ut ei genua cuncta curuentur, coelestium, terrestrium, & infernorum, verbis apertissimis declarauit: Vnde error est pertinaci mente non credere Rom. Pontif. vniuersalis ecclesiæ pastorem, Petri successorem, & Christi legitimum Vicarium super spiritualia, & temporalia, vniuersalem non habere primatum: in quem quandoq. multi labuntur, dictæ potestatis ignorantia, quæ cum sit infinita, eo quod magnus dominus, & magna virtus eius, & magnitudinis eius non est finis, omnis creatus intellectus in eius perscrutatione inuenitur deficere, qui locus S. August. omnino videatur.

Henricus Gandau. in quodlib. 6. qu. 23. ait: De iure diuino, & naturali sacerdotium supereminet imperio, & penes ipsum residet de iure diuino: & naturali vtraque iurisdicção, & superspirituelia, & supertemporalia, & similiter eius immediata executio: vnde etiam in lege temporis naturæ simul ambo currebant regnum, & sacerdotium, & omnes primogeniti Regum, Sacerdotes erant & Reges, & iurisdictionem in temporalibus exercebant, ut fuisse a nobis supra probatum est, etiam tempore legis scriptæ: ergo.

Roderic. Sanc. Episc. Zamorensis lib. de orig. & differentia principatus, par. 1. ait, Nemo nisi Christus, vel eius Vicarius

carius in terris dicere potest illud, quod Propheta de Christo dixerat: Mihi inquit, alienigenæ subditi sunt, nam propter vniuersale eius dominium, nullus mortalium est ei alienus, & non subditus, quia scriptum est de eo, Data est mihi omnis potestas in cælo, & in terra: & iterum omnes gentes seruiunt ei, & dominabitur a mari vsque ad mare, & iterum omnis terra possessio eius, & quia Summ. Pontif. vice Christi principatur in vniuerso orbe in spiritualibus & temporalibus, de eo etiam intelliguntur iura, auctoritates, & rationes supra alligatæ: & circa finem ait, est ergo tenendum naturaliter, moraliter, & diuino iure cum recta fide, principatum Roman. Pontif. esse verum, & vnicum immediatum principatum totius orbis, nedum quoad spiritualia, sed quoad temporalia: & principatum Imperialem esse ab ipso dependentem, & mediatum, ministralem, & instrumentalem, eidem subministrantem, & deseruientem, foreque ab eo ordinatum, & institutum, & ad iussum principatus Papalis mobilem, reuocabilem, corrigibilem, & punibilem, &c.

Eiusdem sententiæ sunt etiam sequentes Doctores.

Ale. Alf.

S. Bonau.

Hugo de

S. Viſſo.

Petr. de

Tar. i. Ber.

nap. Mair.

Alex. Alenf. 4. p. sum. qu. 10. p. 2. S. 2. Hug. de S. Viſſo. lib. 2. p. 2. c. 4. S. Bona. in 4. dist. 37. in expos. lit. dub. 4. lib. de eccl. Hier. p. 2. affirmans idem sentire Vbert. de Casai. & Petr. de Tarant. idem tradunt etiam Rainer. Pis. in sua Sum. ver. dominio, c. 5. B. Ioan. à Capistr. tract. de aucto. Papæ, par. 1. secundæ par. nu. 4. & 5. Gabr. Biel in expos. can. lect. 23. Egid. Rom. lib. de potest. eccl. c. 7. Alex. de S. Elpid. lib. cod. c. 6. Iaco. de Viter. Guliel. Cremon. S. Bern. lib. 4. de confid. ad Eug. Aluer. Pelag. de planct. eccles. c. 13. Silu. Prier. in sum. v. Papa, S. 11. & v. Ioan. Seleſt. in quadr. p. 1. Tartaretus in 4. d. 13. q. vn. Naclam. lib. de potest. Papæ Franc. Maironus cognominatus D. Illuminatus, in 4. d. 19. q. 4. Franc. de Silu. Ferrar. in c. 76. lib. 4. aduer. gent. nuperime vero Cell. Manc. in tract. de iurib. principatum lib.

lib. 3. cap. 1. & 2.

Ex his patet nostram conclusionem esse communem sententiam Theologorum.

Secundo probatur conclusio ex communi testimonio Canonistarum & quia tediosum est omnes recensere, lege Lel. Zecch. in tractatibus Theologicis loco quinto, Card. Bell. de potestat. Pontif. lib. 5. c. 1. Abb. in c. nouit, extra de iudic. & Bart. in l. 1. §. 1. ff. de requi. reis.

Probat
conclusio ex
communi
sententia
canonista-
rum.

Istorum autem probatio desumitur, primo ex loco Deuter. relato in c. per venetabilem, qui filii sunt legi. cuius hæc sunt verba: *Si difficile, & ambiguum apud te iudicium esse perspexeris inter sanguinem, causam & causam, lepram & lepram, & iudicium videris variari, venies ad Sacerdotes Leuiticos generis, & ad iudicem, qui fuerit illo tempore, qui iudicabunt tibi iudicii veritatem, & facie quacumque dixerunt qui præsumt loco, quem elegerit Dominus, sequerisque eorum sententiam: qui autem superbievit nolens obedire Sacerdotis imperio, morietur, &c.* et si hoc obseruabatur in veteri testamento, multo magis debet in nouo, cum dictum sit Petro a Domino, *quodcumque ligaueris super terram, eris ligatum in caelis.* Confirmatur ex cap. solitz, de maior. & obed. vbi Innoc. III. sic ait: in firmamento caeli, hoc est vniuersalis ecclesie, fecit Deus duo luminaria magna, idest duas instituit dignitates, quæ sunt Pontificalis, & regalis, harum, quæ præest diebus spiritualibus, maior est, ac dignior ea, quæ temporalibus præficitur, ut quanta est inter solem, & lunam, tanta inter Papam, & Imperatorem cognoscatur differentia.

Ex his formo hanc rationem, ea est proportio inter summum Pontificem, & Imperatorem, quæ est inter solem, & lunam, ex textu citato, sed sol præstantior est, & eminentior Luna, & hæc ab illo mutuatur splendorem, & lucem, ergo Papa est eminentior Imperatore, & Imperatoris auctoritas a summo Pontifice pendet:

G

D I-

DISPUTATIO III.

*Sententia Auctoris ex rationibus diuturna
consuetudine approbata, & exemplis
multorum Pontificum
Romanorum.*



TERTIO probatur conclusio ratione ex unitate primi principij, nam inferiora regulari debent ad instar superiorum, cum ad imaginem Dei creati simus, c. hxc imago, 33. q. 5. sed sicut in supernis vnus est Deus, c. 1. & c. damnatus de sum. Trin. ita & in terris debet esse vnus Dei Vicarius: ac hic Vicariatus non Cafari, sed Pontifici Romano est traditus, c. quanto, de transl. ergo ipse Pontifex solus est Dei Vicarius, cui cuncta temporalia, & spiritualia substant: & confirmatur auctoritate, nam c. omnes, 22. dist. dicitur, quod vniuersalis iurisdictio omnium spiritualium & temporalium Petro, suisque successoribus collata fuit, ergo.

Probatur conclusio ex consuetudine diuturna approbata.

Papa ad libitum disponit de Imperio, et Regno, ut patet ex multis exemplis.

Quarto, ex diuturna consuetudine approbata: nam post Christi incarnationem, & Principis mundi per Christi electionem, Principes eorum potestatem à summis Pontificibus recipere consueuerunt, vt in eorum coronatione, & consecratione fidelitatisq. praestito iuramento apparet, c. tibi, & cap. ego Rex Otho, 63. d. Consuetudo autem ius praebet, c. quanto, de transl. quare in omnibus Imperator Pontifici Romano subest: & ideo de imperio ad libitum disponit, cum ipsum in Germanos de Graecis transtulerit, c. per venerab. de elect. & Reges, & Imperatores Papa deponit, c. aliud, 15. q. 6. quod facere non posset, nisi subiecti essent.

Præ-

Præterea Episcopi, vel ab ipso delecti, vel confirmati ipsos Reges creant, Reges eligunt, & ius regnandi eis dant legitimum, & plenum.

Notissimum namq. est. in creandis Germaniæ, Hungariæ, Boemiæ, Poloniæq. Regibus maximis, Primas esse episcopos.

Notissimum etiam est, Reges Galliæ, Angliæ, Scotiæ, Daniæ, Sueviæ, nisi vngerentur, & coronarentur ab Episcopis, non fuisse omnino pro Regibus habitos, ut aperuit Tho. Bozius signo 76. de admiranda sacre potestate. progressionem, lib. 17.

Hæc enim adeo vera sunt, ut cum Galliarum Rex vngitur ab Archiepiscopo Remensi is accipiat baculum, dicatq. per illum se dare Galliæ principatum Regi, propter ius, quod Hormisdas Papa S. Remigio dedit, assueverans ad se in primis eligendi Regis potestatem pertinere, quæ refert Papir. Masson. Gallicus in vita Henrici I. rursus ad Pontificiam potestatem spectat, nomen Regis Principibus attribuire, nam quod Hungariæ Rex appelletur, est a Pont. Romano Stephano concessum, ex Bonfinio, quod Poloniæ, a Ioan. 22. ex Cromerio, quod Portugalliæ, ab Eug. III. & Roder. quod Scotiæ Rex vocetur, ab Urbano I. earum regionum ducibus est indultum, ut refert Kislæus.

Notissimum quoque est Gregorio V. tempore Othonis Imperatoris dedisse ius eligendi Imperatorem septem principibus Germaniæ, videlicet Archiepiscopo Colonienfi, Maguntino, & Triuerensi, & quatuor laicis, scilicet, Regi Boemiæ, Duci Saxoniæ, Marchioni Brandeburg. & Comiti Palatino, reseruauit tamen sibi auctoritatem examinandi electionem, & approbandi eam, ut peret ex c. per venerabil. de elect. ubi Papa ait, ius & auctoritas examinandi personam electam in Regem, & promouere ad Imperium ad nos spectat, qui eum vngimus, & consecramus, ergo.

Primo. Obijciunt aduersarij in lege veteri Rex iudica-

Vntio Re-
gis Gal-
liæ, 10. 11.

Greg. V.
dedit ius
eligendi
Imperato-
rē 7. prin-
cip Ger-
mania.

1. Obijci.

G 2 bat,

bat, & deponebat Pontificem, nam Salomon 3. Reg. 2. *Deposuit Abiathar. & in eius locum constituit Sadorb*, ergo pari ratione in nouo Testamento Christiani Imperatoris munus erit, Christianum Pontificem iudicare, quod etiam re ipsa Imperatores sepe iudicauerunt, & deposuerunt Pontifices, vt Constantinus in exilium misit Liberium Papam, Iustinianus Siluerium, Theodoricus Rex Ioannē I. in carcerem coniecit, Orho I. Ioannē XI. deposuit, & Leonē VIII. substituit, Henricus III. Gregorium VIII. deposuit, & Clementem I. ordinari iussit: de quibus omnibus plenae sunt historiae, ergo Papa non est supra Imperatorem, sed Imperator supra Papam.

Respond.

Respondeo ad locum Scripturae, primo, quod Rex intro- mittendo se in veteri testamento de iurisdictione super Sacerdotes; non intromittebat se de iurisdictione aliena, quia in veteri Testamento utraque iurisdicatio erat in Rege, & ideo super sacerdotes habebat potestatem, ita Testat. super c. 1. 2. 4. Reg. q. 8.

Secundo respondeo, Salomonem id fecisse non vt Regem, sed vt Prophetam, & diuinæ iustitiæ executorem, vt patet ex tex. cum dicitur, *vt adimpleretur sermo Domini.*

Ad exempla vero hæc, respondeo quidem facta esse, sed quo iure, ipsi viderint, certe Liberium iniuste pulsum in exilium testatur Athanas. in epist. ad solitariam vitam, agentes: idem de Siluerio Liberatus in Breuiario c. 2. De Ioanne I. B. Gregor. lib. 4. dialog. c. 30. & certum est Constantium, & Theodoricum fuisse Arrianos, Iustinianum Eutechinianistam, & ita tyrannico iure deposuerunt Pontifices. Ab Orhone I. Imperatore satis constat bono zelo, sed non secundum scientiam depositum esse Ioannem XII. vt Orho Frisigensis lib. 6. c. 23. vbi hanc historiam exposuit modeste, Imperatorem taxat; de Henrico dico, vt patet ex eodem Orhone Frisigensi lib. 6. c. 32. Imperator Gregorium nō deposuit, sed vt cederet, illi persuasit, quia ingressus

Ingressus simoniace videbatur, illo vero sponte cedente, Clemens electus fuit.

Quinto probatur conclusio exemplis.

Primum exemplum est Paralip. 26. ubi legimus Oziam Regem cum Sacerdotum officium usurparet a Pontifice, fuisse de templo eiec-
 tum, & ex sacerdotis sententia vrbe, & regni administratione priuatus fuisse, ergo.

Probatur conclusio exemplis.

Secundum exemplum est 2. Paralip. 23. ubi cum Athalia tirannice regnum occupasset, Ioiada Pontifex eum interfici mandauit, & pro ea Iozab Regem creauit 2. Paralip. 23.

3. exempl.

Tertium exemplum est Zacharie, qui rogatus a Primatibus Francorum Childericum deposuit, & in eius locum Pipinum Caroli Magni patrem Regem creari iussit: ita Cedrenus in vita Leonis Isauri, Paulus Diaconus lib. 4. c. 3. de gestis Longobardorum, ergo.

3. exempl.

Papa Zacharias

creauit Pi-

pinum su-

Regem Gal-

lie.

Quartum exemplum est Leonis III. qui Imperium traxit a Græcis in Germanos, propterea quod Græci nulum auxilium laboranti ecclesie Occidentali adferre possent: ita Innocent. in cap. venerabilem de elect.

4. exempl.

Quintum exemplum est Gregor. V. qui sanctionem de Imperatore eligendo per septem Germanie Principes, quæ usque ad hanc diem seruatur, edidit.

5. exempl.

Sexum est Gregorij VII. qui Henricum IV. Imperatorem deposuit, & alium eligi iussit.

6. exempl.

Septimum est Innocentij III. qui Othonem deposuit ex Blondo, decad. 2. lib. 6.

7. exempl.

Octauum est Innocentij IV. qui in Concilio generali Lugdunensi Federicum II. deposuit, & tunc Imperium annis 27. vacauit, ex cap. ad apostolicæ, de sentent. & re iud. lib. 6.

8. exempl.

Nonum est Clementis VI. qui Ludovicum VI. Imperatorem deposuit, ita Pighyus lib. Hierarch. Ecclesiast. 4. 14. & 15.

9. exempl.

2. Exmpl. Decimum exemplum est Alexandri V. qui orbem terrarum partitus fuit, Incolasque noui orbis Ferdinando Aragonum Regi, eiusque hæredibus, & successoribus donauit, concessit, & assignauit, vt pontificio diplomate patet, ergo.

DISPUTATIO IV.

Soluantur omnes obiectiones aduersariorum.



2. Obiect. QUITI VNT aduersarij, Papa a Constantino sceptrum bona ac diademata accepit, c. Constantinus, 96. discego Imperator in temporalibus non dependet a Papa, sed Papa ab eo, & a Papa deponi non potest.

Respondeo.

Respondeo primo, sanctionem illam Pontificiam inter paleas numerari a iuris Pontificij Doctoribus: verum dico, caput illud tantum abesse, vt nostrā demoliatū sententiam, quod magis illam roborat, atque confirmat, nam ex illo patet non fuisse datam ab Imperatore potestatem, sed potius id, quo illam Papa exercere posset. Quis enim dixerit primatum super omnes sedes apicem sacerdotalem, ac ius decernendi ab Imperatore Christi Vicario donari posse, nam hæc a Christo Petrus, eiusque successores acceperunt: est ergo intelligendum illud c. quod Imperator propria auctoritate, ac viribus tanquam Christi miles, & ruxor Ecclesiæ, quid a populis Christianis sit faciendam, declareret, ad quæ exequenda quantum illius patiuntur vires, omnibus imperet.

Secundo respondeo, donationem illam fuisse possessionis assignationem bonorum, ac rerum, in quibus Christi Vicarius iurisdictionem exercere poterat, bonaq. illa fuisse

sed donata, non autem regiam potestatem.

3 Obijciunt huiusmodi donationem non valere, quia in præiudicium Cæsaris successoris fieri non potuit.

Respondetur, id verum esse, quando in donatione subtrahitur successor, quod ei iure debetur, non autem quando redditur alteri, quod sibi erat ablatum: Constantinus ergo quia reddidit ecclesiæ, & Christi Vicario illa, quæ ab ipso receperat, & in abusum ex tyrannica potestate diu tenuerat infernali Principi, & idolis seruiendo, ideo illa donatio, redditio censetur, cum enim Domini est terra, & plenitudo eius, & per consequens Papæ sui Vicarij.

Hinc Gregorius Papa, in donatione multorum oliuetorum facta B. Petro, & sculpta in matmore in Basilica S. Petri dicit se potius reddere, quam donare dicta oliueta B. Petro, & Paulo.

Id ipsum est in tabulis donationis Ludouici, quod Pipinus, & Carolus Exarchatum Rauennæ, per donationis paginam restituerunt, ut aperte Eginartus in Caroli Magni cuius Scriba ipse erat, vita tradidit. Vel deniq. cum Turrecrem. summ. de Eccles. lib. 2. cap. 41. dicamus, quod Papa dominium temporale habet in mediate a Deo, Matt. 16.

4 Obijciunt, Matt. 22. Christus dixit Apostolis & Petro Reges gentium dominantur eorum, & qui potestatem exercent inter eos benefici vocantur, vos autem non sic. Respondetur.

Respondeo vos autem non sic, scilicet ne vos animo illo dominemini, quo Reges, & Principis gentium dominantur, id est propter inaniem gloriam, fastum, propriam utilitatem, &c. ergo illis verbis non aboleretur dominium absolute, sed peruersus dominandi modus prohibetur. Item Reges gentium, id est, cum tyranni sint, vocari tamen volunt benefici, vos autem non sic.

5 Obijciunt Ioan. 19. Christus Imperatoriam potestatem supra se agnouit, cum ait Pilato, Non haberes potestatem in me ullam: nisi tibi datum esset de super, ergo, & Papa.

Respondetur.

Respond.

Respondeo, Christum sine dubio, cum esset Deus nemini de iure fuisse subiectum, sed tantum sponte se Pilati iudicio propter nos subiecisse, non committendo ei aliquam auctoritatem super se, sed eam humiliter tolerando, quam de facto, non de iure habuit; ut patet ex Matt. 7. cum rogatus tributum primum se non teneri docuit, & deinde propter scandalum dari iussit, ut supra diximus.

6. Obiect.

6 Obijciunt Paul. Act. 25. Cæsarem appellauit, *ad tribunal*, inquit *Cæsar* *is ibi me oportet iudicari*, & infra. *Cæsarem appello*: si Paulus Cæsarem iudicem agnouit, certa etiam Petrus, ergo.

Respond.

Respondeo, Paulum ad Cæsarem appellasse, quia *data* *est*, & si non de iure ipsius iudex erat.

Vltimo notandum est pro exacta huius rei notitia, quod potestas triplex est: prima immediata, secunda detinuita, tertia in ministerium data: prima est in solo Papa: secunda in omnibus episcopis, & prælatis: tertia, in Imperatore, Regibus, & Principibus sæcularibus, qui iurisdictionem super talia à Deo, mediante Papa accipiunt, in cuius signum ei fidelitatis iuramentum præstant.

Si plura desideras de hac re lege Tho. Bozium de Reginis gent. & Reg lib. 2. qui doctissime hanc nostram sententiam comprobatur, primo diuinæ scripturæ testimonijs, secundo, assertionem Platonis, & Arist. tertio, argumentis moralibus: quarto politicis: quinto naturalibus: sexto, metaphysicis: septi, mo, certissimis euentibus priuatis, & publicis octauo quotidianis experimentis: nono extraordinarijs vltionibus diuinitus immixtis speciali Dei prouidentia: decimo assertionem historicorum: & denum omnium rerum naturalium quodam consensu.

Hæc sunt quæ ex vtraque parte de immunitate ecclesiastica & auctoritate temporali summi Pontificis à Theologis, & Canonistis disputantur.

F I N I S.

INDEX DISPUTATIONVM.

QVAE IN HOC TRACTATV
CONTINENTVR.



VO iure omnes Ecclesiastici sint
soluti legibus civilibus Principum
secularium. Disputatio i. pag. 7

Virum ex longa consuetudine laici
in Clericos potestatem habeant. Disp. ij. 14
Virum consensus Romani Pontificis sufficiat in
his, quae longa consuetudine usum iam acce-
perunt. Disp. iij. 16

Virum leges Principum secularium obligent cle-
ricos, et personas Ecclesiasticas. Disp. iiij. 18

Virum clerici, & Ecclesiastici teneantur obedire
legibus laicorum, quibus pretia rebus venali-
bus imponuntur. Disp. v. 19

Virum leges secularium obligent clericos, ne ex-
ternis bona in ciuitate posita vendere, locare,
aut concedere possint. Disp. vi. 20

Virum leges secularium possint obligare bona, &
agros ad Ecclesiasticas personas translatos soli-
tis contributionibus a populo imponendis.

Disp. vij. 22

Virum

*Virum clerici obligentur ijs legibus, quibus decer-
nuntur, dimidiam bonorū partem legitimè perti-
nere ad filios. Disp. viij.* 22

*Utrum leges saculares, quæ tollunt aliud ciuile
statutum, quod clericorum continebat immuni-
tatem, possint derogare libertati, & priuilegio
Ecclesiasticorum. Disp. ix.* 23

*An leges saculares, quibus cauetur, ne quis posses-
sionem apprehendat Ecclesia, vel beneficiorum
sine facultate Principis, vel suorum ministro-
rum, valeant. Disp. x.* 24

*An valeant leges secularium Principum consti-
tuentes pœnam propinquis, & cognatis Eccle-
siasticorum, eo quod Ecclesiastici ipsorum suis
legibus obedire nolint. Disp. xi.* ibid.

*An valeant leges Principum secularium quibus
statuitur, ut clerici vnâ cum laicis aliquid tri-
buant ad reficiendas vias, pontes, portas,
muros ciuitatis, & alia huiusmodi; ut Fla-
tuerunt Honorius, & Theodos. in l. ad in-
strucl. & Theodos. & Valent. in l. iubemus.
C. de sacros. Eccles. Disp. xij.* 25

*An Ecclesiastici rei lassa maiestatis per Principes
saculares, & eorum iudices puniri possint.
Disp. xij.* 26

*An leges Principum secularium sint iusta, cum
Eccle-*

Ecclesiastica immunitati, & libertati derogare videantur. Disp. xiv. 27

An causa possessoria, quando est de rebus spiritualibus, vel quasi spiritualibus possit iure coram iudice civili agi, & iudicari. Disp. xv. 28

An cum Episcopi & ceteri ordinarii, et his superiores Antistites sunt negligentes in iudicandis huiusmodi causis ad Ecclesiam pertinentibus; iudex secularis iure possit eas ad se revocare.

Disp. xvi. 30

An leges Principum secularium statuentes, ne beneficia Ecclesiastica conferantur externis, nec illis solvantur pensiones, nec admittantur litterae Apostolicae derogantes iuri patronatus Principum, ne executioni mandentur sine consensu eorum, sint contra immunitatem Ecclesiasticam. Disp. xvij. 32

An liceat Principibus secularibus litteras Apostolicas de causis spiritualibus recognoscere, et discutere, an sint falsae, & subreptitiae.

Disp. xviii. 34

An leges civiles Principum statuentes possint eos, qui a iudicibus Ecclesiasticis per vim & iniuriam censuris afficiuntur excommunicatione v. g. interdicto, &c. saculares magistratus adire possint, ut vim propulsant, & edicto

coquant

cogant iudices Ecclesiasticos ab ea vi, iniuria
desistere, sint contra immunitatem Ecclesia-
sticam. Disp. xix. 35

An potestas, qua a summo Pontifice datur suis
Nuncijs, & Legatis, a Regibus & suis Ma-
gistratibus discuti iure possit. Disp. xx. 38

An Principes habeant ius & potestatem conuo-
candi Episcopos, & Archiepiscopos, & alios
Ecclesiarum antistites, & praefatos in sua di-
ctione manentes, ut libertatem, & pacem con-
seruent et defendant. Disp. xxi. 39

De potestate Romani Pontificis super uniuersum orbem. Disp. i. 41

Sententia Auctoris ex communiori opinione ma-
ximorum Theologorum & Canonistarum.
Disp. ij. 45

Sententia auctoris ex rationibus diuturna con-
suetudine approbata, & exemplis multorum
Pontificum Romanorum. Disp. iij. 50

Soluantur omnes obiectiones aduersariorum.
Disp. iiij. 54

F I N I S.



4410308